


三因極一病證方論

三之六



| | | | |
|-------|-----|-----|---|
| 漢書門 | | | |
| 一三五〇三 | 二九三 | 六二九 | 六 |
| 類 | 號 | 函 | 架 |
| 冊 | 架 | 函 | 號 |

| | | | |
|-------|-----|-----|---|
| 內閣文庫 | | | |
| 一三五〇三 | 二九三 | 六二九 | 六 |
| 類 | 號 | 冊 | 架 |
| 函 | 架 | 冊 | 架 |

| | |
|------|---------|
| 內閣文庫 | |
| 番號 | 漢 12503 |
| 冊數 | 6 (2) |
| 函號 | 300 210 |





三因極一病證方論卷之三

叙痺論

夫風濕寒三氣雜至合而為痺雖曰合痺其用自殊
 風勝則為行痺寒勝則為痛痺濕勝則為着痺三氣
 襲入經絡入於筋脉皮肉肌骨入而不已則入五藏
 凡使人煩滿喘而吐者是痺客於肺煩心上氣嗌乾
 恐噫厥脹滿者是痺客於心多飲數小便小腹痛如
 懷姙夜卧則驚者是痺客於肝善脹尻以代腫脊以
 代頭者是痺客於腎四肢解墮發咳嘔沫上為大塞
 者是痺客於脾又有腸痺者數飲而小便不利中氣

喘急時發殮泄又胞痺者小腹按之內痛若沃以湯
澁於小便上為清涕又六府各有俞風寒濕中其俞
而食飭應之故循俞而入各舍其府治之隨其府俞
以施針灸之法仍服逐風濕寒發散等藥則病自愈
大抵痺之為病寒多則痛風多則行濕多則着在骨
則重而不舉在脉則血凝不流在筋則屈而不伸在
肉則不仁在皮則寒逢寒則急逢熱則縱又有血痺
以類相從附于此門外有支飲作痺見痰飲門

合痺治法

附子湯 治風濕寒痺骨節疼痛皮膚不仁肌肉重着

四肢緩縱

附子生去皮 白芍藥 桂心 甘草 白茯苓

人參各三分 白朮一兩

右為剉散每服四錢水三盞煎七分去滓食前服

黃芪五物湯 治尊樂人骨弱肌重因疲勞汗出卧不

時動搖加以微風遂作血痺脉寗陰陽俱微尺中

少緊身躄如風痺狀

黃芪 芍藥 桂心 各等分

右為剉散每服四錢水二盞姜五片棗三枚煎

七分去滓食前服

黃芪酒治風濕寒痺舉躄腫滿疼痛痺不仁飲食惡冷
瀆瀆惡寒胃中痰滿心下塞○方見中風門

歷節論

夫歷節論疼痛不可屈伸身躄瘰其腫如脫其痛
如掣流注骨節短氣自汗頭眩温温欲吐者皆以風
濕寒相搏而成其痛如掣者為寒多腫滿如脫者為
濕多歷節黃汗出者為風多顧病源所載飲酒當風
汗出入水遂成斯疾原其所因雖涉風濕寒又有飲
酒之說自屬不內外因亦有不能飲酒而患此者要
當推求所因分其先後輕重為治久而不治令人骨

節蹉跌變為癩病不可不知

歷節治法

芍藥知母湯治諸肢節疼痛身躄瘰脚腫如脫頭

眩短氣温温欲吐

桂心 知母 防風 各四兩 芍藥 甘草 炙

麻黃 去節 附子 炮去皮臍 各三兩

右為剉散每服四錢水一盞姜五片煎七分去滓

空腹服一法有白木川芎杏仁半夏

烏頭湯治病歷節痛不可屈伸

烏頭 五枚剉以蜜二升 煎取一升去烏頭 甘草 麻黃 去節

芍藥 黃芪

右為劉散每服四錢水二盞煎至七分去滓投前
蜜煎一合空腹温服千金有老姜桂心大棗無黃
芪麻黃治寒疝腹中絞痛賊風入腹攻五藏拘急
不得轉側叫呼發作有時使人手足厥冷

附子八物湯

治風歷節四肢疼痛如槌鍛不可忍

附子

炮去皮臍

乾姜

炮

芍藥

茯苓

甘草

炙

桂心

各三兩

白朮

四兩

人參

三兩

右為劉散每服四大錢二盞煎七分去滓食前一
丸去桂心用乾地黄二兩

獨活寄生湯最治歷節風近人用之甚效亦治腰背

痛及脚氣流注方見腰痛門

叙脚氣論

夫中風寒暑濕與脚氣皆漸頓淺深之不同中風寒
暑濕得之頓而淺脚氣得之漸而深以其隨藏氣虛
實寒熱發動故得氣名其如猶經絡入腑臟證候雖
不一然三陽多熱躁三陰多熱煩亦可類推但脚氣
不專在二經故與中風寒暑濕為異耳兼有續生諸
病混雜多端未易分別治之須尋其經絡病證所在
去處然後以脈察其虛實淺深為治假如三陽經其

診多在足外踝及手背三陰經其診多在足內踝及臂內以此粗分陰陽可知大槩矣其如風寒暑濕性用各各不同所謂風為行寒為痛暑為煩濕為着乃不刊之說千金方論與董氏顛門類皆蹈襲舊說似難憑據唯留心斯道者必有至當之論焉

叙千金論

千金論脚氣皆由感風毒所致多不令人即覺會因他病乃始發動或奄然大悶經三兩日乃覺之庸醫不識謾作餘疾治之莫不盡斃緣始覺甚微食飲嬉戲氣力如故惟卒起脚屈弱為異耳及論風毒相

貌云夫有脚未覺異而頭項臂膊已有所苦諸處皆悉未知而心腹五內已有所因或見食嘔吐憎聞食臭或腹痛下利或大小便秘澁或胸中衝悸不欲見光明或精神昏憤語言錯亂或壯熱頭痛或身軀酷冷疼煩或覺轉筋或腫或胫腿頑痺或時緩縱不隨或後百節變急或小腹不仁皆謂脚氣壯貌也乃至婦人產後取涼多中此毒其熱悶掣縱驚悸心煩嘔吐氣上臍下冷痞幅幅然不快兼小便淋瀝不同生平皆是脚氣之候頑弱為緩風疼痛為濕痺右件千金節文但備叙諸證不說陰陽經絡所受去處亦不

分風濕寒熱四氣及內藏虛實所因後學從何為治
若一向信書不若無書為愈此之謂也

脚氣脉證

脚氣證狀固多但當以脉診分其陰陽使无差互所
謂脉浮為風緊為寒緩細為濕洪數為熱見於諸陽
病在外宜發散之愈沉而弦者亦為風沉而緊者為
寒沉細為濕沉數為熱見諸陰病在裏宜溫利之愈
外證自汗走疰為風勝無汗疼痛變急為寒勝腫滿
重着為濕勝煩渴熱頑為暑勝四氣兼有但推其多
者為勝治之當以諸證互辨而分表裏寒則溫之熱

則寒之在表則散在裏則下若太虛氣之間作補湯
隨病冷熱而用之不可拘不得服補藥

叙太陽經脚氣證

病者頭痛目脫項強腰脊連軀猶髀外出外踝之
後循京骨至小指外側皆痛者乃足太陽膀胱經為
風寒暑濕流注自汗者為風勝無汗疼痛為寒勝熱
頑為暑勝重着腫滿為濕勝諸經皆當如此推凡太
陽經宜隨四氣發散愈

太陽經脚氣治法

麻黃左經湯治風寒暑濕流注足太陽經手足變痺

行步艱難增寒發熱無汗惡寒或自汗惡風頭疼眩暈腰重關節痛

麻黃去節 乾葛 細辛 白朮泔浸 茯苓

防已 桂心不見火 羌活 防風 甘草炙各

右為麤末每服四錢水二盞姜三片棗一箇煎七分去滓空腹服自汗去麻黃加桂芍藥重着加木橘皮無汗減桂加杏仁澤瀉所加並等分

陽明經脚氣證

病者悽悽寒熱呻欠口鼻乾腹脹髀腠臑中循脰外廉下足跗入中指內間皆痛者乃足陽明胃經為風

寒暑濕流注之所為四氣偏勝並如上說治之宜隨四氣微利之

陽明經脚氣治法

大黃左經湯治風寒暑濕流注足陽明經使腰脚痺痛行步艱難涎潮昏塞大小便秘澀腹痛嘔吐或後下利惡聞食氣喘滿有息或自汗譫妄

大黃蒸 細辛去苗 茯苓 防已 羌活

黃芩 前胡 枳殼麩炒 厚朴去皮剉

甘草炙 杏仁麩炒去皮

右剉散每服四大錢水盞半姜三片棗一箇煎七

分去滓空服熱服。腹痛加芍藥，秘結加阿膠，喘加桑白皮，紫蘇，小便秘加澤瀉，四肢瘡痒浸淫加外麻所加並等分。

荷葉藁本湯治脚脛生瘡浸淫腿膝膿汁淋漓熱痺痛痒。

乾荷葉 四張 藁本 一分

右為剉散以水二斗煎減五升去滓溫服得所淋瀝仍服前大黃左經湯佳。

少陽經脚氣證

病者口苦善太息脇痛面垢身无膏澤頭領目允皆

痛欬益并腋下馬力腫自汗振寒發熱胃中脇肋髀膝外至肘絕骨外踝及諸節指皆痛者乃足少陽膽經為風寒暑濕流注之所為四氣偏勝例如前說治之宜隨四氣和解。

少陽經脚氣治法

半夏左經湯治足少陽經為風寒暑濕流注發熱腰

脇痛頭疼眩暈嘔吐宿汁耳聾驚悸熱悶心煩氣上喘滿肩息腿痺緩縱不隨。

半夏 湯去滑 乾葛 細辛 白朮 茯苓

桂心 不見火 防風 乾姜 炮 黃芩 小草

甘草炙 柴胡 麥門冬去心各三分

右剉散每服四大錢水一盞半姜三片棗一個煎七分去滓空腹服熱悶加竹瀝每服半合喘滿加杏仁桑白皮

料簡三陽并合脚氣

三陽經有并合如太陽并少陽少陽併陽明陽明并太陽三陽合病皆於經絡中推放其診隨證治之所謂并者二經相并合者三經會合以此強介使名義易曉不必論其一二

三陽并合脚氣證治

病者憎寒壯熱自汗惡風或无汗惡寒暈眩重着關節掣痛手足拘攣疹痛冷痺緩縱不隨心躁氣上嘔吐下利此皆三陽經中風寒暑濕其脉必浮弦緊數大料神祕左經湯治風寒暑濕流注足三陽經手足

拘攣疼痛行步艱難憎寒發熱自汗惡風頭眩腰重關節掣痛或卒中昏塞大小便秘澀或腹痛嘔吐下利惡聞食具髀腿頑痺緩縱不隨熱悶驚悸心煩氣上臍下冷痺喘滿有息

麻黃去節 乾葛 細辛 厚朴姜製 茯苓
防已 枳殼麩炒去穰 桂心 羌活 防風去叉

柴胡 黃芩 小草即遠志苗 白姜炮 半夏湯洗去滑

甘草 麥門冬去心各等分 牡蠣白木去麻黃腫滿加

右剉散每服四大錢水盞半姜三片棗一個煎七

分去滓空服自汗加牡蠣白木去麻黃腫滿加

澤瀉木通熱甚無汗桂枝加橘皮前胡升麻腹痛

吐利去黃芩加芍藥附子炮大便秘加大黃竹瀝

喘滿加杏仁桑白皮紫蘇所加等分凡有此病詳

認證狀逐一加減無不愈者常服下氣消痰散風

濕退腫進飲食令人不虛江南諸師固秘此方雖

父子兄弟不傳學者當敬用之

加味敗毒散治三陽經脚氣流注脚踝上煖熱赤腫寒

熱如瘡自汗惡風或無汗惡寒

羌活 獨活 前胡 柴胡 枳殼麩炒去穢

桔梗 甘草炙 人參 茯苓 川芎 大黃蒸

蒼朮米泔浸各等分 右剉散每服四大錢水盞半姜三片薄荷一頭煎

七分去滓熱服不過二服愈皮膚瘙癢赤疹加蟬

蛻煎

太陰經脚氣證治

病者腹滿交咽連舌系急曾膈痞滿循胛骨下股膝

內前廉內踝過核骨後連足大指之端內側皆痛者
乃足太陰脾經為四氣流注之所為也四氣偏勝並
如前說治之各隨其氣所中輕重溫散之

六物附子湯治四氣流注於足太陰經骨節煩疼四

肢拘急自汗短氣小便不利惡風怯寒頭面手足

時時浮腫

附子

炮去皮臍

桂心

各四兩

白朮

三兩

甘草

炙二兩

防己

四兩

茯苓

三兩

右剉散每服四錢水二盞姜七片煎七分去滓溫

服

少陰經脚氣證治

病者腰脊痛小指之下連足心循內踝入跟中上膈
內出膈中內廉股內皆痛上衝胃咽飢不能食面黑
小便淋閉咳唾不已善恐心惕惕若人將捕之狀小
腹不仁者難治足小陰腎經為四氣流注之所為也
四氣偏勝並如前說治之各隨其氣所中輕重而溫
之

八味圓治少陰腎經脚氣入腹小腹不仁上氣喘急

嘔吐自汗此證最急以腎乘心水尅火死不旋踵

牡丹皮

澤瀉

茯苓

各三兩

附子

炮去皮臍

桂心 各二兩

山茱萸

山藥 各四兩

熟地黄

八兩

右為末，煉蜜圓梧子大，每服五十元，溫酒米湯食。

前送下。

厥陰經脚氣證

病者腰脇偏疼，從足大指連足跖上廉，上臑至內廉，循股內陰氣，抵小腓，夾臍，諸處脹痛，兩脚攣急，溢乾，嘔逆洞泄者，是厥陰肝經為四氣流注之所為也。四氣偏勝，並如前說治之。各隨其氣所中，輕重調理之。神應養真丹治厥陰肝經為四氣進襲肝藏，左癱右瘓，涎潮昏塞，半身不遂，手足頑麻，語言蹇澀，頭旋。

日眩，牙關緊急，氣喘自汗，心神恍惚，肢躄緩弱，上攻頭目，下注脚膝，榮氣凝滯，遍身疼痛，兼治婦人產後中風，角弓反張，隨車落馬，打撲傷損，瘀血在內。

當歸 酒浸

天麻

川芎

羌活

白芍藥

熟地黄

各等分 一法无羌活 入木瓜熟阿膠等分

右為末，蜜圓如雞子黃大，每服一圓，木瓜兔絲子，浸酒下，脚痺薏苡仁，浸酒下，中風溫酒米湯下。

料簡三陰并合脚氣

傷寒三陽有并合三陰，無并合藏腑不同，故也。亦自

不妨傳變脚氣則不然以久滯藏氣隨其虛實寒熱而流注故病多并合不可不知

三陰并合脚氣治法

抱龍圓治肝腎藏虛風濕進襲流注腿膝行步艱難

漸成風濕脚氣足心如火上氣喘急小腹不仁全

不進食

赤小豆

四兩 畧炒

五靈脂

白膠香

破故紙

炒

狗脊

火去毛

木鱉子

去殼

海桐皮

蕨靈仙

地龍

炒

草烏

米泔浸三日 淨洗去皮尖

右各一兩為末酒糊為丸如梧子大辰砂為衣每

服五十圓空心鹽酒任下

川膝煎治肝腎虛為風寒濕毒所中流注腿膝歷節

疼痛如錐力鍛刺不可名狀

大烏頭

十個端正者槌破以紙袋盛用烏豆一 日取出去豆不用去皮尖

牛膝

二兩去 芦穰乾

右二味並不得見銅鐵器及火與白木臼搗碎牛

膝再入石磨中磨為末酒糊丸梧子大每服四十

圓用无灰酒一瓶中揀木瓜一个切作片入瓶中

煨木瓜爛為度用此酒下不拘時候然肝氣惡鐵

忌則有之不見火且此好事者妄忌且如烏頭牛

膝採時豈一向陰乾也

十全丹治脚氣上攻心腎相繫定心隱痛小腹不仁
煩渴小便或秘或利關節攣痺疼痛神效不可具
述

菴蓉 酒浸 石斛 酒浸 狗脊 火去木 草薢

茯苓 牛膝 酒浸 地仙子 遠志 去心炒 各一兩

熟地黃 三兩 杜仲 去皮剉 炒二兩

右為末蜜元梧子大每服五十九丸溫酒鹽湯任下

乳香宣經圓治射虛為風濕寒襲四氣相搏半身不
遂手足頑麻骨節煩疼足脛浮腫惡寒發熱漸成

脚氣肝腎不足四肢攣急遍身攻注或閃胸打撲
內傷筋骨及風邪內搏男子疝氣婦人經脈不調
常服活血止痛補虛壯筋骨

歲靈仙 洗去芦 烏藥 去木 茴香 炒 川練子 剉

牽牛子 炒 橘皮 去白 草薢 防風 各二兩

五苓脂 乳香 各半兩 草烏 黑豆一合同煮竹
刀切看透黑為度

去皮焙 秤半兩

右為末酒糊丸梧子大每服五十元鹽酒鹽湯任
下婦人醋湯下食前

大犀角圓治脾腎經脚脛腫痺小腹頑麻上攻頭面

通身洪腫小使不利上氣喘滿悶絕欲死

犀角鎊 黃芩 旋覆花 白朮 桂心不焙

防已各二兩 香豉畧炒 橘皮 茯苓各三兩

前胡 桑白皮炙四兩 紫蘇莖葉四兩

右為剉散每服四錢水一盞半姜五片棗兩枚煎七

分去滓食前喘加杏仁

四蒸木瓜圓治肝腎脾三經氣虛為風寒濕搏着流

注經絡竭日曠歲治療不痊凡遇六化更變七情

不寧必至發動或腫滿或頑痺增寒壯熱嘔吐自

汗上

蕨靈仙苦亭藤 同人

黃芪續斷 同人

蒼朮橘皮 同人

烏藥去木與黃 松節同人

右各半兩以大木瓜四個切蓋去穢入前件藥仍

用蓋簪定酒洒蒸熟三蒸三曬取藥出焙乾為末

研瓜為膏搜和擣千杵圓如梧子大每服五十元

空心温酒塩湯任下世傳木瓜丸最多惟此方有

效當敬之黃松節即茯苓中木

追毒湯治肝脾腎三經為風濕寒熱毒氣上攻陰陽

不和四肢拘攣上氣喘滿小使秘澁心熱煩悶遍

身浮腫脚弱

半夏四兩湯洗 黃芪 甘草炙 當歸 人參

厚朴製姜汁 獨活 橘皮各一兩 熟地黄 芍藥

枳實去穢炒 麻黃去節湯 桂心不焙 具子二十

右為剉散每服四錢水一饑半姜七片棗三個煎

七分去滓空心溫服日三夜一

脚氣惣治

千金脚氣論在諸風之前良有以也方論雖多識病者少或覺之傷晚或狐疑不決枉死者半信不証矣凡有此證最宜急治緩則入腹攻五藏雖神丹亦无如之何又久患續生諸病如大小便不利腫滿飲食

傷等不妨別別為治所謂先去新病病當在後若惣而治之則亦庶乎其可也

烏藥平氣湯治脚氣上攻喘滿及五藏偏勝諸氣不

和喘咳奔衝坐卧不安頭暈脚弱上實下虛

烏藥去木 人參 白朮 川芎 當歸

伏神去木 甘草炙 白芷 木瓜乾 五味子

紫蘇子各等分

右為剉散每服四錢水一饑半姜五片棗兩枚煎七分去滓溫服或作細末湯點下

紫蘇子湯治脚弱上氣陰陽交錯清濁不分上重下

虛中滿喘急嘔吐自汗无_レ獲紀律千金云宋湘主
在南州患脚氣困篤服此得效

紫蘇子 畧炒 半夏 湯洗各五兩 前胡 去苗 厚朴

製 甘草 炙 當歸 各二兩 桂心 不見火

橘皮 各三兩

右為剉散每服四錢水二饑姜七片棗兩個煎七

分去滓食後服人謂俞山人降氣湯是也好事者

復加附子黃芪又改其分兩亦班入太醫方用者

宜知之

木瓜牛膝圓 治寒濕脚氣冷濕下注脚弱无力或腫

急疼痛兼治婦人血風大周腎氣活血壯筋絡

木瓜 大者三四个切開蓋去穰先用糯米漿過搥

定蒸二次 川烏 大者去皮尖用无灰酒一升

爛研作膏 牛膝 酒浸 單薺 茴香 炒 羌活 青皮

青鹽 別研入 狗脊 燎去毛 巴戟 海桐皮九件各

右為末入青鹽和勻將前二膏搜為丸如硬再入

酒杵數千下圓梧子大每服伍十九食前塩湯塩

酒任下

茱萸圓 治脚氣入腹腹脹不仁喘悶欲死

吳茱萸 湯洗 木瓜 去穰切

右等分爲末酒糊丸如梧子大每服五十丸至百丸
圓酒飲任下或以木瓜蒸爛研膏爲丸尤妙

黑附圓 治乾濕脚氣

附子八錢重 黑豆半斤入菘餅內漫火

右熟豆入合同附子研爲餅焙乾爲末煉蜜爲丸

如皂角子大每服兩圓空心麝香酒嚼下

木通散 治脚氣服補藥太過小便不通淋閉膝下脹

當歸 梔子仁炒 赤芍藥 赤茯苓

甘草生各一兩 右爲散每服三錢水一盞煎七分去滓服

白皮小豆散 治脚氣小便澁兩脚腫氣脹

赤小豆半升 桑白皮二兩 紫蘇一握 生姜兩半

右剉散水三升煮豆熟取豆食去滓仍取餘汁飲

乏

勝駿圓 治元氣不足真氣虛弱及諸虛寒濕氣進襲

手足拳攣脚指連脚面拘急走注疼痛筋脉不伸

行步不隨常服益真氣壯筋骨黑髮鬚滑皮膚

切足弱鶴膝諸風

附子一枚炮 當歸酒浸 天麻酒浸 牛膝酒浸

酸棗仁炒 熟地黄酒浸 防風去又各 木瓜四兩

乳香 半兩 別研

麝香 一分 別研

全蝎 去毒

木香

沒藥 別研

羌活

甘草 炙各一兩

右件為細末用生地黄三斤淨洗研爛如泥入無

灰酒四升煮爛如膏以前藥勻和拌令堅每兩作

十圓每服一丸細嚼臨睡酒下地黄膏春夏極多

遇冬或無地黄只煉蜜為丸如梧子大每服五十

丸鹽湯溫酒下

加減法

檳榔 草薺 菴蓉 酒浸

破故紙 炒

巴戟 去木

右五味各添一兩內熟地黄當歸各減一兩尤妙

如服此藥五七月或半月內見效甚速行步如飛
千里可至乃名勝駿

換腿圓 治足三陰經虛為風寒暑濕進襲痺緩弱

上攻胃腸肩背下注脚膝疼痛漸成風濕脚氣行

步艱難足心如火上氣喘急全不進食

石南 天南星 炮 石斛 酒浸 牛膝 酒浸

羌活 薏苡仁 炒 防風 去又芦 草薺

黃芪 蜜炙 天麻 當歸 酒浸 續斷 各兩半

木瓜 四兩 檳榔 二兩半

右為末酒煮麪糊為丸如梧子大每服五十九空

心温酒盪湯任下

三因極一病證方論卷之三

三因極一病證方論卷之三
終
...

三因極一病證方論卷之四

叙傷風論

經云春傷風夏飧泄此乃四時之序也或表中風在
經絡中循經流注以日傳變與傷寒無異但寒泣血
無汗惡寒風散氣有汗惡風為不同仲景正以此格
量太陽經傷寒傷風用藥不同而纂集者不識門類
遂雙編二證使後學混濫卒不知歸甚者以傷風暑
濕時氣疫疹凡曰太陽病者皆謂之傷寒晉人不經
類皆如此固不足道但名義乖錯惑於後世不可不
與之辨今別立傷風一門於四淫之前且依先哲以

太陽為始分注六經學者當自知

傷風證治

足太陽膀胱經傷風有汗惡風不惡寒頭項強腰脊痛以其脉從巔入絡腦還出別下項循肩膊内俠脊抵腰中故太陽諸證如是治之宜桂枝湯

桂枝湯治太陽傷風脉陽浮陰弱榮弱衛強頭痛鼻

鳴乾嘔發熱自汗惡風或煩熱汗出則解有如瘧

狀脉浮洪虛大者

桂枝

去皮

芍藥

各一兩半

甘草

炙一兩

右咬咀每服五錢水一盞半煎八分去滓食前服

溫覆令遍身微汗愈或發汗漏不止惡風小便難

四肢拘急者加熟附子一分或項背強兀兀及汗

出惡風者加葛根一兩三錢或汗出後身疼痛脉

沉遲者加芍藥生姜各半兩人參一兩半或下後

脉促胃滿者去芍藥若微寒乃加附子或下後頭

項強痛翕翕發熱無汗心下滿微痛小便不利者

去桂加茯苓白朮各一兩半太陽外證未除而數

下之挾熱利不止心下痞硬表裏不解加入參一

兩或下之微喘者加厚朴六錢三字杏仁十七粒

因燒針令汗針處被寒核起而赤必發奔豚灸其

核各一粒加桂一两與服因燒針煩躁者去芍藥
減桂一两牡蠣龍骨各一两可代救逆湯
足陽明胃經傷風口燥煩渴自汗嗜卧身重小便難
以其脉俠鼻絡目下膈属胃絡脾俠脐入氣街故陽
明證諸如是治之宜杏子湯

杏子湯治陽明傷風能食口苦咽乾肢滿微喘發熱
惡風自汗嗜卧身重小便難潮熱而噦而脉浮弦
長而數悉主之

- 杏仁去皮尖 半夏湯去滑 五味子各二錢半 芍藥
- 桂心 細辛 乾姜炮 大黃蒸 甘草各三錢

茯苓 四錢

右吹咀每服四錢水一盞半煎至七分去滓食前服

足少陽膽經傷風身熱惡風自汗項強脇滿以其脉
起於目兌腎上抵頭角出入缺盆下膈絡肝
循脇裏出氣街合髀厭中故少陽諸證如是治之宜
柴胡加桂湯

柴胡加桂湯治少陽傷風四五日身熱惡風頸項強
脇下滿手足温口苦而渴自汗其脉陽浮陰弦或
發汗多亡陽譫語可以此和其榮衛通其津液自

愈

柴胡 一兩 三錢

半夏 湯去滑四 錢一字

甘草 炙三錢 一字

芍藥 黃芩 人參 桂 各半 兩

右以咀每服五錢匕水一盞半姜五片棗一箇煎七分去滓食前溫服

足太陰脾經傷風自汗胃滿腹脹痛四肢倦怠以其脈入腹絡胃上膈俠咽連舌本散舌下故太陰諸證如是治之宜桂枝芍藥湯

桂枝芍藥湯治太陰傷風自汗咽乾胃腹滿自利不渴四肢倦怠手足自溫其脈弦大而緩者

桂心 半兩 白芍藥 三兩

右以咀每服五錢匕水一盞半姜三片棗一個煎七分去滓溫服腹脹痛甚者加大黃一兩

足少陰腎經傷風口燥舌乾咽痛胃滿心煩自汗腰連脰骨酸痛以其脈貫脊屬腎上貫肝肓入肺中循喉嚨俠舌本故少陰諸證如是治之宜桂附湯

桂附湯治少陰傷風胃滿心煩咽喉痛自汗腰疼連脰骨酸痛嘔吐涎沫頭痛其脈沉強者

附子 生去皮 桂心 乾姜 芍藥 甘草 炙
茯苓 桃仁 去皮尖麩 炒各一兩

右吹咀每服四錢水二盞煎七分去滓食前服或
咽喉痛加桔梗

足厥陰肝經傷風自汗惡風而勸小腹急滿以其脈
循股入毛中還陰器抵小腹俠胃絡膽布脇與督脈
會故厥陰諸證如是治之宜八物湯

八物湯治厥陰傷風惡風而勸自汗小腹急痛寒熱

如瘧骨節煩疼其脈尺寸俱微而遲者

桂心 當歸 川芎 前胡 防風 各三 甘草 灸

茯苓 各半 兩

右吹咀每服四錢水一盞半姜五片棗三個煎八

分去滓食前服

叙傷寒論

論云冬傷於寒春為溫病以冬不即病其寒毒藏於
風府之上至春溫煖之氣發而為病故曰溫病或愈
或死死則六七日間愈則多出旬日之外世號為大
病要當隨此經絡傳變仍以脈證別之乃可施治治
傷寒法蓋盡於此至晉集仲景論於太陽經出麻黃
桂枝二方治傷寒傷風并錄預備救失加減之法甚
詳至陽明少陽與三陰經傷風證治則蔑聞矣故知
仲景只就太陽一經格量二病令勿差互編集既不

詮辨後學情無所知昏瞶典墳千有餘載畧不加省
良可嘆息今輒提其六經傷寒合用對治諸方以為
宗兆其如壞證治去除各見本門外編集于後使皂
白印分初不敢取諸曾臆盖有所本於聖經也

傷寒辨正

內經論傷寒惟說足三陰三陽六經傳受愈否日數
及各隨其藏府經絡流注去處而證以行汗下并兩
感脈應病形而已至張長沙以伊尹湯液作治法兼
述傷風暑溫等詳畧不同格量互顯使後學學隅而
反至晉不解其義隨行編集遂行於世此後蹈襲者

不可勝計所謂百問證治提綱目錄撮要備全活人
書傷寒論乃至圖形指脈皆剝採晉集初無反隅雖
有意於廣傳皆未明其義類緣晉集不識偏正以此
類預備之方雜於正治而正治之方多所簡脫故使
因藉愈醫後學固封不削繁無罔知樞要因別論于
後

傷寒證治

足太陽膀胱經傷寒頭項強腰脊痛無汗惡寒其經
絡流注去處與傷風同但脈浮洪緊數為異耳惟足
太陽寒水為諸陽主氣故寒先傷之

麻黃湯治太陽傷寒脈浮緊而數頭痛身疼發熱惡寒無汗曾滿而喘者

麻黃去節 桂心各一兩 甘草炙半兩 杏仁二十粒

右以咀每服五錢水一盞半煎八分去滓食前服覆取微汗夏則加知母半兩石膏一兩黃芩一分或汗出後無大熱而喘者去桂加石膏四兩

小青龍湯治寒傷表未解心下有水氣乾嘔發熱而

欬或渴或利或噎或小便不利小腹滿而喘者

麻黃去節 細辛去苗 乾姜炮 甘草炙

桂心 芍藥各三兩 半夏湯去滑 五味子各二兩半

右以咀每服五錢水二盞煎八分去滓食前溫服噎者去麻黃加熟附子一錢若小便不利小腹滿者加茯苓一錢喘者加杏仁七枚去皮尖溫粉凡發汗不欲多多則亡陽宜用此粉撲之即愈效如神

白朮 藁本 川芎 白芷

右為末每末一兩入米粉三兩和勻撲之

大青龍湯治太陽中風傷寒脈緊發熱惡寒身疼不汗出煩渴或脈浮緩身不疼但重乍有輕時或傷寒見風脈風見寒脈

麻黃去節 三兩 桂心 芍藥各 一兩 杏仁去皮尖 一兩
石膏一兩

右為劉散每服五錢匕水一饒半姜五片棗一箇煎七分去滓食前服

足陽明胃經傷寒身熱目痛而鼻乾不得卧不惡寒
腹滿咽乾口燥而渴其脉流注與傷風同以陽明主
肉故次傳之

大承氣湯治陽明傷寒脉長身熱不惡寒自疼鼻乾
不得卧腹滿咽乾渴大便硬譫語或汗後脉沉實
或下利心下堅或已經下其脉按之浮沉尚有力

者

大黃酒洗 半兩 芒消一分別 研入 厚朴姜製 一兩 枳實一分劉 炒去穢

右為鹿末每服五錢水二盞煎八分去滓入消再煎服若脉遲而滑汗出身重時發潮熱并得病二三日無太陽證煩躁心下硬下利後譫語者去芒消名小承氣或發汗不解蒸蒸發熱温温欲吐胃中痛大便反澹及吐利後腹脹厥煩譫語去厚朴枳實入甘草半兩芒消一分煎名調胃承氣或結熱膀胱如狂狀下血小腹急結者去厚朴枳實加桃仁十二箇桂甘草各半兩消一分名桃核承氣

大柴胡湯治證狀太畧與大承氣湯同輕則柴胡重則承氣

柴胡 四兩 黃芩 各一兩 半夏 湯去滑 一分

枳實 麩炒 一分

右為鹿末每服三大錢水一盞半夏五片棗一枚煎八分去滓食後溫服若內熱裏實身躄疼痛是表證未解不可服

足少陽膽經傷寒曾脇痛耳聾口苦咽乾往來寒熱目眩乾嘔其脉流注與傷風同以少陽主膽屬半表裏故三傳之

小柴胡湯治少陽傷寒脉弦或沉緊往來寒熱曾脇

善滿默默不欲食心煩喜嘔或渴腹痛或脇下痞鞭或心悸小便不利或咳有微熱亦有不渴不嘔者又治婦人傷風傷寒經水適斷發熱惡熱晝日明夕暮則譫語此為熱入血室其血必結故使如瘧狀得七分熱除脉遲身涼曾滿譫語如結曾狀前刺期門隨其實而取之投此湯即愈又太陽病不解轉入少陽并陽明傷寒脉又弦浮身自悉黃小便難潮熱時噦

柴胡二兩 半夏 湯去滑六錢 黃芩 人參 三錢 甘草 炙各三分

右為剉散每服五錢水一盞半生姜五片棗一枚煎七分去滓食前服若腹痛去黃芩加芍藥三分心下悸小便不利加茯苓一兩若不渴則有微熱去人參加桂三分若咳嗽去棗加五味子三分乾姜半兩胃中煩不嘔者去半夏加括蕪根一兩脅中痞澀去棗加牡蠣一兩若過經不解日肺發熱已而微利加芒消一兩人參至其血心下澀者足太陰脾經傷寒手足溫自利不渴腹滿時痛咽乾其脈流注與傷風同治之各有正方不在此限

治中湯治太陰傷寒手足溫自利不渴腹滿時痛咽

乾其脈尺寸俱沉細

人參 乾姜 炮 白朮 甘草 炙 陳皮 青皮 各等分

右剉散每服四錢水一盞半煎七分去滓食前服

五積散治太陰傷寒脾胃不和及有積聚腹痛

蒼朮 酒浸一宿二十兩 桔梗 十兩 陳皮 六兩 白芷

甘草 炙各三兩 當歸 二兩 川芎 半兩 芍藥

白茯苓 半夏 湯去滑各一兩 麻黃 去節春夏二

乾姜 春夏兩半 秋冬二兩 枳殼 湯浸去穢剉炒四兩 厚朴 姜製炒二兩

桂心 春夏三兩 秋冬四兩

右先將前十二味，以微炒，令香，取出，當風涼之，入後，枳殼、桂、朴三味，同為細末，每服三錢水一盞，姜三片，棗二枚，煎七分，食前溫服。傷寒手足逆冷，自汗不止，脈沉細，面青，嘔逆，加順元散一錢，同煎。熱服。產婦陣踈難產，經三兩日，不生胎死腹中，或產母氣乏委頓，產道乾澀，加順元散水七分，酒三分，煎，相繼兩服。氣血內和，即差。胎死者，不過三服。當下。其順元散多少，量產母虛實，加減。傷寒發熱，俠內寒者，加葱白二寸，豉七粒，同煎，相繼服。當以汗解。

順元散

烏頭

炮去皮
尖二兩

附子

炮去皮
臍

天南星

炮各
一兩

木香

兩半

右為末，同煎法。煎此藥，治內外感寒，脈沉伏遲細，手足冷，毛髮怕慄，傷寒陰證，大嘔，一二盞，氣和汗出，即愈。

足少陰腎經傷寒，口燥舌乾，而渴，背惡寒，反發熱，倦息，其脈流注與傷風同。

附子細辛湯 治少陰傷寒，口中和而背惡寒，反發熱，倦息，自汗而渴，其脈尺寸俱沉而緊者。

麻黃

去節

細辛

附子

炮去皮臍
各半兩

右麻末每服四錢水一盞半煎七分去滓食前服
手足厥者去麻黃細辛加乾姜半兩甘草一分或
口燥舌乾而渴宜急下之

足厥陰肝經傷寒煩滿發熱惡寒往來如瘧或囊縮
小腹急痛其脉流注與傷風同本論用小建中湯方見
九痛門去迷志即是

麻黃桂枝各半湯治厥陰傷寒煩滿發熱惡寒往來
如瘧或囊縮其脉尺寸俱微緩者主之若脉沉短
其囊必縮急以大承氣下之可保五死一生承氣
湯乃利陽明藥耳若病到厥陰其勢已甚蓋陽明
養宗筋為熱毒所攻乃以承氣湯瀉其能養故利

陽以救陰此猶假虞伐虢圍魏救趙之意也

桂心四錢一字

芍藥

麻黃去節

杏仁十二箇去皮尖

甘草炙各半兩

右麻末每服五錢水一觥半煎八分去滓食前服

入姜棗煎亦得

大承氣湯

方見足陽明經

小建中湯

方見九痛門

傷寒傳變次序
內經熱論論傷寒云大陽為諸陽主氣傷寒必先自
大陽始至漢諸師凡外所因皆曰大陽病未為義

足太陽寒水其位居辰辰為木氣化原故丙辛遁起
戊子至辰為壬辰水而太陽正化居焉在天為寒在
地為水寒喜濕水故寒必首傷太陽以此例推寒既
自太陽入風當自少陽入濕當自陽明入經曰陰為
之主陽與之正別於陽者知病從來別於陰者知死
生之期此之謂也或問傳變次序當如何邪然陰陽
流行出入次序固有定說及其中病或喜火或成虛
或成兩感或守一經其所拘也但當以脈證分別陰
陽表裏盛衰為治尤不可以日數期也

料簡

論曰有汗不得服麻黃無汗不得服桂枝切忌不得
誤若寒證見風脈風證見寒脈却以麻黃桂枝各半
湯古人治傷風熱多寒少惡風脈浮緊無汗用青龍
湯蓋先傷風而後傷寒風證尚在而寒脈已行故有
是倫也若先傷寒而後傷風寒多熱少不煩躁微厥
脈當浮緩弱而自汗即傷寒見風脈但青龍緊暴不
若各半湯平和不悔各諸經皆倣此

六經傷寒用藥格法

文傷寒始自太陽逆傳陽明至于厥陰而止六經既
別治法不同太陽屬膀胱非發汗則不愈必用麻黃

生于中牟雪積五尺有麻黃處雪則不聚蓋此藥能
通內陽氣却外寒也陽明屬胃非通泄則不愈必用
大黃芒消以利之少陽屬膽無出入道柴胡與半夏
能利能汗佐以子苓非此不解太陰屬脾中州土也
性惡寒濕非乾姜白朮不能溫燥少陰屬腎性畏寒
燥非附子則不能溫厥陰屬肝藏血養筋非溫平之
藥不能潤養此經常之道也後學不知倫類妄意進
餌遂致錯亂諸證蜂起夭傷人命可不究辨且三陽
病汗下和解人心知之至太陰脾經溫燥不行亦當
溫利自陽明出如溫脾圓用大黃者是也少陰腎經

雖用附子後使麻黃則知少陰亦自太陽出厥陰用
桂自少陽出明矣及其二陽鬱閉皆當自陽明出故
三陰皆有下證如少陰口燥咽乾下利清水太陰腹
滿時痛厥陰舌卷囊縮皆當下之學者宜審詳不可
卒易投也

溫脾圓治久病虛羸脾氣弱食不消喜噫

黃藥 大麥蘖 炒 吳茱萸 桂心 乾姜 炮

細辛 附子 炮去 當歸 大黃 蒸 神麩 炒

黃蓮 各一兩

右為末蜜和圓如梧子大每服三十九丸空腹酒飲

任下

三陽合病脉證治

三陽有合病三陰无合病所謂三陽合者有太陽陽明有少陽陽明自太陽傳至陽明頭疼腰痛者太陽也肌熱目痛鼻乾者陽明也尚惡寒脉必浮大而長浮者太陽脉也長者陽明脉也當隨證調之本太陽證因發汗多則譫語屬陽明故有太陽陽明也少陽證未罷猶當和解不可便作陽明下之

葛根湯治太陽病項背強兀兀然无汗惡寒并治三陽合病自利方

葛根 一兩

麻黃 三分去節

桂心 半兩

甘草 炙

芍藥 各半兩

右剉散每服五錢匕水一觥半姜五片棗一枚煎七分去滓食前温服三陽合病不下利但嘔者加

半夏六錢

又合兩感證論并治法

兩感傷寒者表裏俱病也一日太陽與少陰俱病頭痛口乾咽滿而渴二日陽明與大陰俱病腹滿身熱不食譫語三日少陽與厥陰俱病耳聾囊縮而厥兩病俱作治有先後先宜救裏藏氣內正急宜攻表救

丙固寒急而表亦不可緩也救裏解表各隨諸證而
善用之自非精妙甄別其孰能與於此也
四逆湯治少陰傷寒自利不渴嘔噦不止或吐利俱
發小便不利或汗出過多脈微欲絕腹脹滿手足
足冷及一切虛寒厥冷凡病傷寒有此證候皆由
陽氣虛有寒雖更覺頭痛身疼發熱惡寒四肢拘
急裏寒悉具者未可攻表宜先服此藥以助陽救
裏

甘草 炙一分 乾姜 炮二錢 附子 炮去皮 臍半兩
右剉散每服五錢匕水一盞半煎七分去滓食前

服強人加乾姜一錢或惡寒脈微而利利止仍亡
血者加人參半兩或發汗若下之病仍不能解煩
躁者仍加茯苓半兩面赤者加連翹葱九莖腹中
痛者去葱加芍藥一兩嘔者加生姜一兩咽痛者
去芍藥加桔梗半兩

兩感治法料簡

桂枝麻黃皆攻太陽經表藥方各見太陽經其如陽
明太陰少陽厥陰並可於風寒二方論中隨證施治

陰毒證治

陰毒為病手足冷腰背強頭疼腹痛或煩渴精神恍

惚額與手背時出冷汗音聲鄭重爪甲面色青黑多
因脾腎虛寒伏陰重感於寒所致

附子散治陰毒傷寒唇青面黑身重強四肢冷或因
服冷藥過度心腹脹滿昏沉不識人

附子炮去皮 桂心半兩 當歸 白木各三兩

半夏湯洗去滑 乾姜各一分

右為末每服三錢水二盞生姜三片煎六分不以
時熱服衣覆取汗

返陰丹治陰毒傷寒心神煩躁頭痛四肢逆冷面青
腹脹脈沉伏者

硫黃通明五兩別研 消石別研 太陰玄精各二兩別研

乾姜炮 桂心各半兩 附子炮各半兩

右用鐵鉢先鋪玄精次下消末各一半中間鋪硫
黃末又將二兩餘末蓋上以小盞合著熟炭火三
斤燒令得所勿令煙出急取瓦盆合著地上四面
灰蓋勿令煙出候冷取出研細入後藥為末同研
勻米糊圓如梧子大每服二二十九煎艾湯下頻
服汗出為度未退乃大着艾炷灸臍下丹田氣海
更不退則以葱啗熨之

葱啗熨法治氣虛陽脫躄冷无脈氣息欲絕不省人

事及傷寒陰厥百藥不效者
葱一束以索纏如餅餠大去根葉唯存白長二寸
許先以火煨下面令通熱勿至灼人乃以熱處着
病人臍下上以熨斗盛火熨之令葱餅熱氣透入
腹中更作三四餅遇一餅壞不可熨即易一餅候
病人醒手足溫有汗乃差更服四逆湯良

陽毒證治

陽毒為病躁熱面赤咽痛身斑色如錦紋下利赤黃
內外結熱舌焦鼻黑類如煙煤妄言狂走多因腸胃
燥熱陽氣獨盛陰氣暴絕妄服燥藥熱食所致

升麻湯治陽毒傷寒一二日便成陽毒或服藥吐下
後變成陽毒腰背痛煩悶不安面赤狂言或走或
見鬼或下利面赤斑斑如錦紋咽喉痛下膿血脈
大浮數五日可治七日不可治

升麻

半兩

犀角屑

射干

黃芩

人參

甘草

炙各一分

右為剉散每服五錢匕水一盞煎七分去滓熱服
併進三四服溫覆汗出為度

梔子仁湯治陽毒傷寒壯熱百節疼痛

梔子仁

炒

赤芍藥

大青

知母

各一兩

升麻

黃芩

石膏

杏仁

去皮尖 各二兩

柴胡

一兩

甘草

炙半兩

右剉散每服四大錢水一盞姜三片豉二十粒同煎七分去滓不以時服

結胸證治

結胸證者心下堅滿按之石鞭而痛心膈高起手不得近項強如柔瘥狀此本傷寒身熱醫下之早熱氣乘虛而入痞結不散之所致也若脈浮大皆不可下下之則死尚宜發汗若沉緊者宜以大小陷胸湯量輕重而下之又結胸有不按而痛者有按而痛者有水結在胸脇間但頭汗出者有熱實結者有寒實結

者治之不可不知其輕重也各有正方

大陷胸湯治傷寒表未解醫反下之膈內拒痛手不可近短氣煩躁心中懊懣心下鞭大便不通舌燥

而渴熱實脈沉而緊又治身无大熱有水結在胸脇間者

大黃

半兩

芒消

四錢

芩連

半錢

右各為末水三盞先煮大黃至一大盞去消煮鎔

下其遂末煮一沸分二服得利止人因

小陷胸湯治結胸病正在心按之則痛脈浮滑者

黃連

一分

半夏

湯洗去滑六錢

栝樓實

不用四分

右為剉散水二觔先煎括樓至盡米入煎藥煎至六分去滓分二服利黃涎沫即安

大陷胃圓治病發於陽而反下之熱入因作結胃以

下之太早故也其病項強如柔痙狀下之則和

大黃二兩 葶藶炒 杏仁去皮尖炒 芒消各三分

右前二味為末將杏仁芒消合研為脂和藥取如

彈子大一枚別杵甘遂末一錢匕白蜜一大匕水

二盞煎至七分頓服之一宿乃下如不下更服取

下為效甘遂性猛宜斟酌虛實入之

胃痞證治

胃痞證者胃中不和心下堅硬乾嘔惡寒汗出噫氣不除亦有因傷寒身冷醫反下之遂成胃痞

枳實理中圓治傷寒及諸吐利後胃痞欲絕膈高起

急痛手不得近

枳實去穢炒 茯苓 人參 白朮 乾姜炮

甘草炙各等分

右為末蜜和一兩作四圓熱湯化下渴加括樓根

下利加牡蠣粉各等分

桔梗枳殼湯治中寒氣痞胃滿欲死

桔梗 枳殼各一分

右為劉散每服五錢匕水一盞半煎七分去滓食前服

三黃湯治傷寒陰證下之太早致心下痞按之軟其脈關上浮者主之若表未解未可攻宜先隨風寒二證投桂枝麻黃湯表解已即服此方

大黃蒸 黃連 黃芩

右為劉散每服五錢沸湯二盞熱漬之一時以去滓分二服暖服或汗出惡寒加附子別煎汁入一合同服

半夏瀉心湯治心下痞滿而不痛者

半夏湯洗七次 黃芩 人參 甘草炙 乾姜

炮各一兩一錢 黃連半兩

右劉散每服五錢水盞半姜五片棗一箇煎七分去滓溫服或傷寒中風醫反下之利且數十行穀不化腹中鳴心下痞硬乾嘔心煩者加甘草半兩人參一兩名甘草瀉心湯或汗出解後胃中不和心下痞硬乾噎食臭膈下水鳴下利者加生姜一兩減乾姜一兩餘如正方名生姜瀉心湯

勞復證治

傷寒新差後不能將攝因憂愁思慮勞神而復或梳

沐浴浴依勞而後並謂之勞後或飲食不節謂之食
服此皆大病後精神血氣腸胃並虛之所致也論有
正方可依證調治唯犯房室為女勞後多死不治
白木散治傷寒氣脈不和增寒壯熱鼻塞腦悶涕唾
稠粘痰嗽壅滯或目涉風溫增寒發熱骨節煩痛
或中暑嘔吐眩暈及大病後將理失宜食後勞復
病證如初悉主之又治五勞七傷氣虛頭眩精神
恍惚睡卧不寧肢躄倦怠潮熱盜汗脾胃虛損面
色痿黃飲食不羨口吐酸水藏府滑泄腹內虛鳴
反胃吐逆心腹絞痛久瘡久利及膈氣咽塞上氣

喘促坐卧不安或飲食所傷管膈痞悶膜肺膜脹
婦人產前產後血氣不和霍亂吐瀉氣厥不省人
事常服辟四時不正之氣及山嵐瘴疫神效不可
具述

白芷 甘草炒 青皮 陳皮 白茯苓 桔梗

山藥 香附去毛各三兩 乾姜半兩 白木一兩

右為末每服二錢匕水一盞姜三片棗一箇木瓜
乾一片紫蘇二三葉煎七分食前服若吐瀉入白
梅煎喘入桑白皮杏仁煎傷寒勞復入薄荷膈氣
入木通三寸麝香少許中暑嘔逆入香薷產前產

後血氣不和入荆芥煎霍亂入藿香煎氣厥入鹽湯調下

陰陽易證治

陰陽易者其男子病新差未平復而婦人與之交接得病名曰陽易其急腰膝連股內痛婦人病新差未平復而男子與之交接得病名曰陰易身重少氣陰腫入裏腹內絞痛熱上衝昏頭痛不欲舉眼中生華蓋男女病相換易故謂之陰陽易治

燒視散治傷寒陰易其人身軀重少氣小腹裏急或引陰中拘攣熱上衝昏頭重不欲舉眼中生華膠

脛拘急悉主之

婦人視襠燒灰

右細研以方寸匕水調服小便利陰頭痛即愈

假鼠糞湯治丈夫傷寒病後婦人與之交接病名陽

易

韭根去青一握假鼠糞十四枚兩頭尖者是

右二味水一饑煎至半盞去滓溫溫頓服粘汗出

為效未知再作

發班證治

傷寒發班者蓋不當下而下之熱則乘虛入胃當下

而失下則胃熱不得泄二者皆能發斑其狀如錦紋
赤者易治黑者難治蓋熱毒入胃深也

玄參升麻湯治傷寒失下不當下而下之熱毒在胃

發斑如錦紋甚則煩躁譫語兼治喉閉腫痛

玄參 升麻 甘草各半兩

右為剉散每服五錢匕水盞半煎七分去滓溫服

溫毒亦能發斑

三因極一病證方論卷之四 終

三因極一病證方論卷之五

壞傷寒證治

壞傷寒者以醫者不辨陰陽錯謬汗下置病不解壞
證亂經又傷寒過經熱留藏府病候數變久而不差
陰陽無從紀律皆名壞病

知母麻黃湯治壞傷寒以傷寒差後經久精神不寧

言語錯謬或潮熱頰赤寒熱如瘧昏沉不愈皆由

汗下不止毒在心包間所致也

知母 兩半 麻黃 去節 甘草 炙 芍藥 黃芩

桂心 兩各半

右為剉散每服五錢水一盞半煎七分去滓溫服
日三四服若心煩欲飲不稍稍與之

無憂散 治傷寒調理失序毒氣內結胃脹滿坐卧

不安日久不差狂躁妄語大小便不通或後吐逆

臍月黃牛膽以天南星為末入膽內縛令緊當風避日懸之俟乾取用

右為末以人參半兩煎湯七分盞調末二錢乘熱

服逐頃更以熱人參湯投之或睡便溺下黃黑惡

物是效

黑奴圓 治傷寒調理失序醫所不治及時行疫病六

七日不汗脉洪數面赤目睛身熱煩躁在言欲走

大渴或口噤精鬼已散但心下暖幹開口灌藥下

咽即活治陽毒發斑

麻黃去節 大黃各貳兩 芒消 金底煤加研

梁塵別研 小麥奴 竈突黑各壹兩別研

右為末煉蜜丸彈子大新汲水研下一丸渴者與

冷水盡飲之須臾當寒寒竟汗出便差若日移五

尺不汗依前法服一丸差須病人大渴乃可與之

不渴者莫服

狐惑證治

狐惑證者默默欲眠目不得瞑惡飲食面目乍赤乍

白乍黑齒無色舌上白声嘎咽乾此因大病後腸胃
空虛三虫未食食人五藏食其喉則為惑其声嘎食
下部則為狐其咽乾當看上唇有瘡虫食其藏下唇
有瘡虫食其肛

桃仁湯

桃仁去皮 槐子碎 艾各壹兩

右剉散每服五錢水太盞姜三片棗兩枚煎七分
去滓食前服之

黃連犀角湯治傷寒及諸病後內有瘡出下部

黃連半兩 犀角壹兩无則以升麻代 烏梅茶箇 木香壹分

右為剉散每服五錢水盞半煎七分去滓食前服

雄黃允散治下部匿瘡

雄黃研 青箱子 苦參 黃連各貳分 桃仁去皮

尖研壹分

右為末以生艾搗汁和如棗核大綿裹內下部布
竹汁更加無艾只用綿裹散子內下部亦得

譫語證治

病有言語錯謬者其證有二有虛有實虛則鄭声實
則譫語傷寒胃實及三陽合病婦人熱入血室及下
利而譫語者皆屬實大小便利手足逆冷脉微細言

語鄭重者皆屬虛寒治之各有方虛寒當溫之如四逆湯之類胃實宜下承氣湯婦人熱入血室下亦柴胡湯若譫語而反四逆脉沉細者不治

四逆湯

方見兩感門

柴胡湯

方見少陽經

大承氣湯

方見陽明經

病後虛煩證治

大病後心虛煩悶發熱與傷寒相類但不惡寒與不頭眩為異汗與人參竹葉湯嘔者橘皮湯諸病後多有此證各見本門

人參竹葉湯治汗下後表裏虛煩不可攻者

竹葉

二把

人參

甘草

炙各二兩

半夏

二兩半

石膏 麥門冬

各五兩

右為剉散每服四太錢水一盞半姜五片粳米一撮煎米熟去滓食前服

橘皮湯治動氣在下不可發汗發之反無汗心中大煩骨節疼痛目運惡寒食則反嘔穀不得入宜服此方

橘皮

壹兩半

甘草

炙半兩

人參

壹分

竹茹

半兩

右剉散每服五錢水一盞姜三片棗一箇煎至七分去滓食前服之

料簡

凡傷寒中雜病證狀非一當隨門類量酌施治可也
如發黃則多用五疸中藥只依黃疸治之發狂已見
陽毒門吐血便利瘀血見失血門下痢見滯下奔豚
見五積陰陽厥見厥論嘔噦喘咳各見本門其他更
不繁錄

傷暑叙論

傷暑者乃夏至前後各三十日有奇少陽相火用事
之時也炎熱大行燠石流金草萎河涸人或傷之則
發熱自汗面垢背寒倦怠少氣以暑消氣氣消血散
與傷寒相類此是夏間即病非冬傷寒至夏發為熱

病也當以脈別之傷暑脈虛無力蓋因氣血消散致
血虛弱傷寒則泣血而閉脈緊而有力大不同也要
畧言傷寒家別有暈病蓋詮次者見其一條別在後
故有是說輕重不同識者當自知之

傷暑證治

病者身熱惡寒頭痛狀如傷寒或往來寒熱如瘧煩
躁渴甚眩暈嘔吐背寒面垢泄瀉昏悶不清其脈陰
陽俱虛緩而微弱皆由傷暑之所致也

卻暑散治冒暑伏熱頭目眩暈嘔吐泄利煩渴背寒

面垢

赤茯苓

甘草

生各四兩

寒食麵

生姜

各壹斤切搜麩令勻

右為末每服兩錢新汲水調下或湯點服不拘時候

五苓散

治傷暑煩渴引飲無度兼治傷寒溫熱表裏

未解煩渴引水水入即吐或小便不利及汗出表

解煩渴不止又治霍亂吐利黃疸濕疫

澤瀉 二兩半

桂心 壹兩

猪苓 去皮

赤茯苓

白朮

各壹兩半

右為末每服二錢沸湯下不以時服訖多飲執湯汗出即愈

桂苓圓

治煩渴消痰飲寬胃膈

桂心

白朮

各二兩

赤茯苓 三兩

烏梅肉

兩半

乾生姜

壹兩

甘草

炙半兩

右為末蜜丸彈子大每一丸至二丸嚼細熟水下

香薷圓

治太人小兒傷暑伏熱躁渴昏悶頭目昏眩

胃膈煩滿嘔噦惡心口苦舌乾肢躄困倦不思飲

食或發霍亂吐利轉筋並宜服之

香薷

去梗

紫蘇

去梗

乾木瓜

各壹兩

丁香

甘草

炙

檀香

白茯苓

去木

藿香

各半兩

右為末蜜丸彈子大每一丸至二丸熟水嚼下或

新汲水化下亦得小兒半丸

消毒圓治中暑煩渴暈眩寒熱

半夏

壹介七次湯去滑米醋煮令透

茯苓 甘草

生各半介

右為末蜜丸梧子大每服三十圓新汲水不以時服

傷濕叙論

經云濕為停着凡關節疼痛重痺而弱皆為濕着若氣不平亦使人半身不遂口眼喎斜涎潮昏塞此中濕之候也夫寒熱風濕皆能并合為病所謂風濕寒濕濕溫者其證各不同為治亦別不可不辨若治風

濕寒濕當發其汗但微微似汗出則風濕俱去若大汗出風去濕不去則不能愈若治單單中濕只宜利小便忌不得以火攻并轉利濕家下之額上汗出微喘小便不利者死若下利不止者亦死論曰治濕不利小便非其治也

傷濕證治

病者身重脚弱關節重疼發熱惡寒小便秘澀大便澀泄自汗腰脚冷痺腿膝浮腫小便或自利不渴皆久坐卑濕或為雨露所襲或汗出衣裏受濕漸漬得之者名曰濕痺

腎著湯治身重腰冷痺如坐水中形如水狀反不渴

小便自利食飲如故病屬下焦從身勞汗出衣裏冷濕久而得之腰以下冷痛腰重如帶五貫錢

耳草炙 白朮各二兩 乾姜炮 茯苓各四兩

右為剉散每服四太錢水一盞半煎七分去滓食前服

滲濕湯治坐卧濕地或為雨露所襲身重脚弱關節

重疼發熱惡寒或小便祕澀大便食泄或汗出衣裏濕漬得之腿膝或腫小便利反不渴

蒼朮米泔浸 白朮各二兩 甘草炙各二兩 乾姜炮

茯苓各四兩 陳皮兩 丁香各半兩

右剉散每服四錢水盞半姜三片棗二枚煎七分去滓溫服

寒濕證治

病者身熱煩疼无汗惡寒發熱脉浮緩細皆寒濕相并所致也

麻黃白朮湯治寒濕身熱煩疼无汗惡寒發熱者

麻黃去節湯三兩 桂心二兩 甘草各壹兩 杏仁二十粒去皮尖 白朮四兩

右為剉散每服四錢水盞半煎七分去滓食前溫

服

風濕證治

病者身疼日晡發熱不能轉側短氣汗出惡風不欲
丟衣或身微腫脉浮弦細此風濕相搏或汗出當風
所致也

桂枝附子湯治風濕相搏身躄煩疼掣痛不得屈伸

汗出短氣小便不利惡風不欲丟衣或身微腫

桂枝去皮四兩 白朮 附子炮去皮臍 甘草炙二兩

右為剉散每服四大錢水盞半姜五片棗兩箇煎
七分去滓空心溫服或大便秘則去桂小便不利

悸氣加茯苓三兩痺加防已四兩肢痛加芍藥四
兩

風濕寒證治

病者汗出身重惡風喘滿腹內不和下氣上衝臍下
連脚冷痺不能自屈伸骨節煩疼近之則痛極如歷
節狀此由冒風濕寒三氣雜至而為病也

防已黃芪湯治傷風濕寒脉浮緊細身重汗出惡風

并治風水脉浮身重不渴

防已四兩 黃芪五兩 甘草炙二兩 白朮三兩

右為剉散每服五錢水盞半姜五片棗兩枚煎七

分去滓空服喘者加麻黃胃中不和加芍藥氣
上衝加桂下有陳寒加細辛服藥後當如虫行皮
中從腰以下如水後坐被上又以一被繞腰以温
下令微汗差

風濕温證治

病者煩渴引飲心腹冷痛燥悶口乾面垢惡寒惡風
飢不能食眩暈嘔噦此伏暑中風濕所致也治之各
有方法

白木茯苓乾姜湯治伏暑中風濕煩渴引飲心腹疼
躁悶口乾面垢洒洒惡寒淅淅惡風微汗飢不能

食

白木 乾姜 茯苓 細辛 桂心 乾葛

耳草 橘皮 烏梅 京豉

右等分為細末每服二錢白湯點下

暑濕風温證治

暑者六經氣之一能與風濕併合為病循經流入諸
藏但與寒不相得故有暑濕風温之證暑濕者惡寒
及熱自汗關節盡痛頭目昏眩手足倦怠不自勝持
此併傷暑濕所致也風湿者頭痛身熱常汗出身重
喘息四肢不取嘿嘿欲眠此由先傷風後傷寒所致

也治之各有方法

茯苓白朮湯治暑毒加以着濕或汗未乾即浴皆

成暑濕

茯苓 乾姜 炮 甘草 炙 白朮 桂心 各壹兩

右為剉末每服四錢水一盞煎七分去滓食前服

萎蕤湯治風濕兼療冬溫及春月中風傷寒發熱頭

眩痛咽喉乾舌強胃內疼痛痞滿腰背拘急

葛根 麻黃 去節湯 甘草 炙 白薇 川芎

羌活 杏仁 各半兩 石膏 一兩 萎蕤 三分

青木香 壹分

右剉散每服五錢水盞半煎七分去滓食前服之
木香冬用壹兩春用半兩

君火論

五行各一唯火有二者乃君相之不同相火則麗于
五行人之目用者是也至於君火乃二氣之本源乃
物之所資始人之初生必投生於父精母血之中而
成形精屬腎腎屬水故天一而生水血屬心火
故地二而生火識為玄玄屬水故天三而生水乃太
一含三引六之義也亦道生二一生二二生三之數
也則知精血乃財成於識以識動則暖靜則息靜息

无象暖觸可知故命此暖識以為君火正內典所謂
暖識息三連持壽命者是也然則所以謂之君者以
不行炎暑象君之德萬物資始象君之化位居少陽
象君之政神明出入象君之令故君亦天也天亦君
也乾以元亨利正而運行於其上君以德化政令而
輔成於其下天道順序則生長化收藏不失其時君
道助順故進退存亡不失其正其實皆一理也成象
取法雖主配於心腎推而明之一點精明無物不備
也宜君火之用上合昭昭下合冥冥與萬物俱生而
無所間斷也醫者苟不明此皆墮於術數伎藝與夫

醫史之用易拘拘於卜筮休咎之中吾見其大蔽聖
人之道未聞有益於天下後世也悲夫

五運論

夫五運六氣乃天地陰陽運行升降之常道也五運
流行有太過不及之異六氣升降則有逆從勝復之
差凡不合於德化政令者則為變眚皆能病人故經
云六經波蕩五氣傾移太過不及專勝兼并所謂治
化人應之也或遇變眚與災沴因鬱發以亂其真
常不德而致折復隨人藏氣虛實而為病者謂之時
氣與夫感冒中傷天行疫沴類然不同前哲知夫天

地有餘不足違戾之氣還以天地所生德味而平治之經論昭然人鮮留意恐成湮沒故叙而紀之

五運時氣民病證治

凡遇六壬年發生之紀歲水太過風氣流行脾土受邪民病飧泄食減躄重煩冤腸鳴脇支滿甚則忽忽善怒眩冒顛疾為金所復則反脇痛而吐甚則衝陽絕者死

苓木湯治脾胃感風飧泄注下腸鳴腹滿四肢重滯忽忽善怒眩冒顛暈或左脇偏疼

白茯苓 厚朴姜汁製炒 白朮 青皮 乾姜炮

半夏湯泡去滑 草果去皮 耳草炙各等分

右剉散每服四錢水盞半姜三片棗兩枚煎七分去滓食前服之

凡遇六戊年赫曦之紀歲火太過炎暑流行肺金受邪民病瘡少氣欬喘血溢泄瀉嗌燥耳聾中熱肩背熱甚胸中痛脇支滿背髀并兩臂痛身熱骨痛而為浸淫為水所復則反譫妄狂越欬喘息鳴血溢泄瀉不已甚則大淵絕者死

麥門冬湯治肺經受熱上氣欬喘咯血痰壅嗌乾耳聾泄瀉胸脇滿痛連脊背兩臂膊疼息高

麥門冬去心

香白芷

半夏

湯洗去滑

竹葉

甘草炙

鐘乳粉

桑白皮

紫苑

取茸

人參

各等分

右剉散每服四錢水盞半姜二片棗一枚煎七分去滓食前服

凡遇六甲年堆阜之紀歲土太過雨濕流行腎水受邪民病腹痛清厥意不樂躄重煩冤甚則肌肉痿足痿不收行善瘦脚下痛中滿食減四肢不舉為風所獲則反腹脹溏泄腸鳴甚則大谿絕者死

附子山茱萸湯治腎經受濕腹痛寒厥足痿不收腰膝痛行步艱難甚則中滿食不下或腸鳴溏泄

附子

炮去皮臍

山茱萸

各一兩

木瓜乾

烏梅

各半兩

半夏

湯洗去滑

肉豆蔻

各三分

丁香

藿香

各一分

右剉散每服四錢水盞半姜錢七片棗一枚煎七分去滓食前服

凡遇六庚年堅成之紀歲金太過燥氣流行肝木受邪民病脇小腹痛目赤皆痒耳無聞躄重煩冤胸痛引背脇滿引小腹甚則喘欬逆氣背脊有尻陰股膝髀膕胫足痛為火所復則暴痛膝膈不可反側欬逆甚而血溢太衝絕者死

牛膝木瓜湯

治肝虛遇歲氣燥濕更勝脇連小腹拘

急疼痛耳聾目赤欬逆肩背連尻陰股膝解膈脘
皆痛悉主之

牛膝酒浸 木瓜各一兩 芍藥 杜仲去皮姜製

枸杞子 黃松節 兔絲子酒浸 天麻各三分

耳草各半兩

右劉散每服四錢水盞半姜三片棗一枚煎七分
去滓食前服

凡遇六丙年漫衍之紀歲水太過寒氣流行邪害心
火民病身熱煩心躁悸陰厥上下中寒譫妄心痛甚
則肢大脛腫喘咳寢汗憎風為土所復則反腹滿腸

鳴漚水食不化渴而妄冒甚則神門絕者死

川連茯苓湯治心虛為寒於中身熱心躁手足反

寒心腹腫病喘咳自汗甚則大腸便血

黃連 茯苓各一兩 麥門冬去心 車前子炒

通草 遠志去心姜汁製 半夏湯洗 黃芩

耳草各一分

右劉散每服四錢水盞半姜錢七片棗一枚煎七
分去滓食前服

遇六丁年委味之紀歲木不及燥乃盛行民病中清
脛膈小腹痛腸鳴漚泄為火所復則反寒熱瘡瘍瘰

痹癱腫欬而顛

菴蓉牛膝湯治肝虛為燥熱所傷肢脇并小腹痛腸

鳴溏泄或發熱遍身瘡瘍咳嗽肢滿鼻鼾

肉菴蓉酒浸牛膝酒浸木瓜乾白芍藥

熟地黄炙名等分當歸耳草

右為剉散每服四錢水盞半姜三片烏梅半箇煎

七分去滓食前服筋痿脚弱鎊鹿角屑同煎

遇六癸年休明之紀歲火不及寒乃盛行民病脅痛

脇支滿膺背肩胛兩臂內痛鬱冒矇昧心痛暴痞甚

則屈不能伸體解如別為土所復則反驚溏食飲不

下寒中腸鳴泄注膝痛暴癢痿痺足不能任身

黃芪伏神湯治心虛挾寒心脅中痛兩脇連肩背肢

滿噎塞鬱冒矇昧體解不能屈伸或下利溏

泄飲食不進腹痛手足痿痺不能任身

黃芪伏神遠志去心姜汁淹炒紫荷車炒各等分酸棗仁炒各等分

右剉散每服四大錢水盞半姜三片棗一個煎七

分去滓食前服

遇六巳年早監之紀歲土不及風氣盛行民病飧泄

霍亂躄重肢痛筋骨繇并肌肉痠善怒為金所復

則反脅脇暴痛下引小腹善太息氣客於脾食少失

味

白木厚朴湯治脾虛風冷所傷心腹脹滿疼痛四肢

筋骨重弱肌肉羸動酸癢善怒霍亂吐瀉或胃膈

暴痛下引小腹善太息食少失味

白木 厚朴 姜炒 半夏 湯洗 桂心 藿香

青皮 兩 乾薑 炮 芍草 各半兩

右剉散每服四錢水盞半姜三片棗一枚煎七分

去滓食前服之

遇六七年從革之紀歲金不及炎火盛行民病肩背

脊重顛嚏血便注下為水所復則及頭腦戶痛延及

顛頂發熱口瘡心痛

紫苑湯治肺虛感熱咳嗽喘滿自汗衄血肩背脊重

血便注下或腦戶連顛頂痛發熱口瘡心痛

紫苑茸 白芷 人參 耳草 黃芪

地骨皮 杏仁 桑白皮 各等分

右剉散每服四錢水盞半棗一枚姜三片煎七分

去滓食前服之

遇六辛年涸流之紀歲水不及濕乃盛行民病腫滿

身重濡泄寒瘍腰膈膈股膝痛不便煩寃足痿清厥

脚下痛甚則附腫腎氣不行為木所復則及面色特

變筋骨併辟肉腠瘦目視眈眈肌肉眇發氣並南中痛於心腹

五味子湯治腎虛坐臥濕地腰膝重著疼痛肢脹滿

滯澁无度行步艱難足痿清厥甚則浮腫面色不

常或筋骨併辟目視眈眈膈中咽痛

五味子 附子炮去皮 巴戟去心 鹿茸燎去毛

山茱萸 熟地黃 杜仲製炒各等分

右剉散每服四錢水盞半姜七片鹽少許煎七分

去滓食前服之

凡六壬六戌六甲六庚六酉歲乃木火土金水太過

五運先天六丁六癸六巳六乙六辛歲乃木火土金水不及為五運後天民病所感治之各以五味所勝調和以平為期

六氣叙論

夫陰陽升降在天在泉上下有位左右有紀地理之應標本不同氣應異象逆順變生太過不及悉能病入世謂之時氣者皆天氣運動之所為也今先次地理本氣然後以天氣加臨為標有勝有復隨氣主治則悉見病源矣

本氣論

自太寒後至春分厥陰風木 春分至小滿少陰君火

小滿至大暑少陽相火 大暑至秋分太陰濕土

秋分至小雪陽明燥金 小雪至大寒太陽寒水

凡一氣所管六十日 六十七刻半為本氣後以天之

六氣臨御觀其逆從以藥調和便上下合德無相奪

倫此天地之紀綱變化之淵源不可不深明之

六氣時行民病證治

辰戌之歲太陽司天太陰在泉氣化運行先天之初

氣乃少陽相火加臨厥陰風木民病瘧身熱頭疼嘔

吐肌腠瘡瘍二之氣陽明燥金加臨少陰君火民病

氣鬱中滿三之氣太陽寒水加臨少陽相火民病寒

反熱中癰疽注下心熱腎悶四之氣厥陰風木加臨

太陰濕土風濕交爭民病太熱少氣肌肉痿足痿注

赤白五之氣少陰君火加臨陽明燥金民氣乃舒

終之氣太陰濕土加臨太陽寒水民乃慘悽孕死治

法用耳溫以平水酸苦以補火抑其運氣扶其不勝

靜順湯治辰戌歲太陽司天太陰在泉病身熱頭痛

嘔吐氣鬱中滿腎悶少氣足痿注下赤白肌腠瘡

瘍發為癰疽

白茯苓 木瓜乾 附子 牛膝

各一 炮去 酒浸各

防風

去义

訶子

炮去核

甘草

乾姜

炮各半兩

右為剉散每服四大錢水盞半煎七分去滓食前服其年自太寒至春分宜去附子加枸杞半兩自春分至小滿依前入附子枸杞自小滿至大暑去附子木瓜乾姜加入參枸杞地榆香白芷生姜各二分自大暑至秋分依正方加石榴皮半兩自秋分至小雪依正方自小雪至大寒去牛膝加當歸芍藥阿膠炒各三分

卯酉之歲陽明司夫少陰在泉氣化運行後矣初之氣太陰濕土加厥陰木此下剋上民病中熱脹面自

浮腫善服齕衄嚏欠嘔吐小便黃赤甚則淋二之氣少陽相火加少陰君火此臣居君位民病癘大至善暴死三之氣陽明燥金加少陽相火燥熱交合民病寒熱四之氣太陽寒水加太陰濕土此下土剋上水民病暴仆振慄譫妄少氣咽乾引飲心痛癰腫瘡瘍寒虛骨疼便血五之氣厥陰風木加陽明燥金民氣和終之氣少陰君火加太陽寒水此下剋上民病溫治法宜鹹寒以抑火辛甘以助金汗之清之散之安其運氣

審平湯治卯酉之歲陽明司夫少陰在泉病者中熱

面浮鼻鼾小便赤黃甚則淋或癘氣行苦暴作振
譫妄寒瘡癰腫便血

遠志去心姜製炒 紫檀香各一兩 天門冬去心

山茱萸焙 白朮 白芍藥 耳草炙 生姜各半兩

右剉散每服四錢水盪半煎七分去滓合煎服自

太寒至春分加白茯苓半夏湯洗夫滑紫蘇生薑各半兩

自春分至小滿加玄參白薇各半兩 自小滿至大暑

去遠志山茱萸白朮加丹參澤瀉各半兩 自大暑至

秋分去遠志白朮加酸棗仁車前子各半兩 自秋分

直至大寒並依正方

寅申之歲少陽相火司天厥陰風木在泉氣化運行
先天初之氣少陰君火加厥陰木民病溫氣拂於上
血溢目赤欬逆頭痛血崩腸滿膈中瘡二之氣太
陰土加少陰火民病熱欬逆嘔吐胃臆不利頭痛
身熱昏憤膿瘡三之氣少陽相火加相火民病熱中
聾瞶血溢膿瘡欬嘔衄渴噎欠喉痺目赤善暴死
四之氣陽明金加太陰土民病滿身重五之氣太陽
水加陽明金民避寒邪君子周密終之氣厥陰木加
太陽水民病開閉不禁心痛陽氣不藏而欬治法宜
鹹寒平其上辛溫治其內宣酸滲之泄之漬之發之

升明湯治寅申之歲少陽相火司天厥陰風木在泉
 病者氣鬱熱血溢目赤咳逆頭痛脇滿嘔吐胃臆
 不利聾瞶渴身重心痛陽氣不藏瘡瘍煩躁
 紫檀香炒車前子炒青皮湯洗酸棗仁
 薤麩各半兩生薑各半兩耳草各半兩
 右為剉散每服四錢水盞半煎七分去滓食前服
 自大寒至春分加白薇玄參各半兩自春分至小
 滿加丁香一錢自小滿至大暑加漏芦朱麻赤芍
 藥各半兩自大暑至秋分加茯苓半兩自秋分至
 小雪依正方自小雪至大寒加五味子半兩

丑未之歲太陰濕土司天太陽寒水在泉氣化運行
 後天初之氣厥陰風木加風木民病血溢筋絡拘強
 關節不利身重筋痿二之氣大火正乃少陰君火加
 君火民病溫癘盛行遠近咸若三之氣太陰土加少
 陽火民病身重肘腫胃脹滿四之氣少陽相火加太
 陰土民病腠理執血異溢瘡心腹脹甚則浮腫五
 之氣陽明燥金民病皮膚寒氣及聩終之氣太陽寒
 水加寒水民病關節禁固腰膝痛治法用酸以平其
 上其溫治其下以苦燥之溫之甚則發之泄之贊其
 陽火令禦其寒

脩化湯治丑未之歲太陰濕土司天太陽寒水在泉
病者關節不利筋脈拘急身重痿弱或溫癘盛行
遂近咸若或胃脹滿悶甚則浮腫寒瘡血溢腰膝

痛

木瓜乾

茯神

去木各二兩

牛膝

酒浸

附子

炮去皮臍各三分

熟地黄

覆盆子

各半兩

耳草

一分

生姜

三分

右為剉散每服四大錢水盞半煎七分去滓食前
服自太寒至春分依正方自春分至小滿去附子
加天麻防風各半兩自小滿至太暑加澤瀉三分
自太暑直至大寒並依正方

子午之歲少陰君火司天陽明燥金在泉氣化運行
先天初之氣太陽水加厥陰木民病關節禁固腰膝
痛中外瘡瘍二之氣厥陰風木加少陰君火民病淋
目赤氣鬱而熱三之氣少陰君火加少陽火民病熱
厥心痛寒熱更作欬喘目赤四之氣太陰土加濕土
民病黃痺衄血嗝乾吐飲五之氣少陽火加陽明金
民乃康終之氣陽明金加太陽水民病上腫欬喘甚
則血溢下連少腹而作寒中治法且鹹以平其上苦
熱以治其內鹹以更之若以發之酸以收之
正陽湯治子午之歲少陰君火司天陽明燥金在泉

病者關節禁固腰痛氣鬱熱小便淋目赤心痛寒熱更作咳喘或鼻鼾嗝咽吐飲發黃瘴喘甚則連小腹而作寒中悉主之

白薇 玄參 川芎 桑白皮 當歸 芍藥

旋覆花 甘草 生姜 各半兩

右為剉散每服四錢水盞半煎七分去滓食前服自大寒至春分加杏仁升麻各半兩自春分至小滿加茯苓車前子各半兩自小滿至大暑加杏仁麻仁各一分自大暑至秋分加荆芥茵陳蒿各一分自秋分至小雪依正方自小雪至大寒加紫蘇

子半兩

已亥之歲厥陰風木司天少陽相火在泉氣化運行後天初之氣陽明金加厥陰木民病寒於右脇下二之氣太陽水加少陰火民病熱中三之氣厥陰木加少陽火民病淚出耳鳴掉眩四之氣少陰火加太陰土民病黃瘴肘腫五之氣太陰土加陽明金燥濕相勝寒氣及躄終之氣少陽火加太陽水此下水剋上火民病瘟癘治法宜用辛涼平其上鹹寒調其下畏火之氣无妄犯之

敷和湯治已亥之歲厥陰風木司天少陽相火在泉

病者中熱而反右脇下寒耳鳴淚出掉眩燥濕相
搏搏民病黃瘧浮腫時作瘟癘瘟癘

半夏湯洗 棗子 五味子 枳實麩炒 茯苓

訶子炮去核 乾姜炮 橘皮 甘草炙各半兩

右為剉散每服四錢水盞半煎七分去滓食前服
自太寒至春分加鼠粘子一分自春分至小滿加
麥門冬去心山藥各一分自小滿至太暑加紫苑
一分自太暑至秋分加澤瀉山梔仁各一分自秋
分直至太寒並依正方

六氣凡例

凡六氣數起於上而終於下歲半之前自太寒後天
氣主之歲半之後自太暑後地氣主之上下交互氣
交主之司氣以熱用熱无犯司氣以寒用寒無犯司
氣以涼用涼无犯司氣以温用温无犯司氣同其主
亦无犯異主則少犯之是謂四畏若天氣反時可依
時及勝其主則可犯以平為期不可過也

三因極一病證方論卷之五終

三因對一病證方論卷之六
其論其主限可必及乎論脈之理也
亦謂其主限可必及乎論脈之理也
其論其主限可必及乎論脈之理也
其論其主限可必及乎論脈之理也
其論其主限可必及乎論脈之理也
其論其主限可必及乎論脈之理也
其論其主限可必及乎論脈之理也
其論其主限可必及乎論脈之理也
其論其主限可必及乎論脈之理也
其論其主限可必及乎論脈之理也

三因極一病證方論卷之六

叙疫論

夫疫病者四時皆有不正之氣春夏有寒清時秋冬
亦有暄熱時一方之內長幼患狀率皆相類者謂之
天行是也若春時應暖而清氣折之則責邪在肝病
曰青筋牽夏時應暑而寒氣折之則責邪在心病曰
赤脉攢秋時應涼而熱氣抑之則責邪在肺病曰白
氣狸冬時應寒而暖氣抑之則責邪在腎病曰黑骨
溫土無正形因火而名故附金木水火而變病曰黃
肉隨其天行之病大則流毒天下次則一方一鄉或

偏著一家悉由民庶同業所召故天地靈祇假斯不正之氣而責罰且人命有遭逢時有否泰故有偏著一家者天地既有斯害氣還以天地所生之物而防備之命曰賢人知方
四季疫證治
病者發熱腰痛強急脚縮不伸脰中欲折目中生花或瀰瀰增寒復熱頸中双筋牽不得屈伸項直背強眼赤黃欲轉動合目回側病名青筋牽者由春三月其源從厥陰涉足少陽少陽之氣始發少陰之氣始衰陰陽沸鬱於腠理腑臟受厲而生若腑虛則為陰

邪所傷故發熱若臟實則為陽毒所損故增寒

治青筋寒肝腑臟温病陰陽毒膽腑虛為陰邪所傷

腰脇強急脚縮不伸脰中欲折目中生花色蒼蒼者

柴胡去苗五兩 茯苓 梔子仁 半夏湯洗 大青各三兩

桂心 竹茹 香豉 甘草炙各一兩

右剉散每服五錢水二盞姜五片煎七分去滓空心温服

治青筋牽肝腑臟温病陰陽毒肝臟實為陽毒所傷

瀰瀰惡寒翕翕發熱頸外双筋牽不得屈伸項直

背強眼赤黃轉動則合身回側色蒼蒼者

玄參 一兩 細辛 二兩 梔子仁 黃芩

升麻 芒消 石膏 煨八

右為剉散每服五錢水二盞入車前草三葉淡竹

葉七片煎七分去滓空心服

病者脉促身顛掉不能禁或內熱口乾舌破咽塞聲嘶病名赤脉攢者以夏三月其病從少陰太陽之氣相搏而停則榮衛不通皮肉痛起太陽發動少陰淫邪之氣因而作厲則臟腑隨時受夏疫病也若腑虛為陰邪所傷則寒戰若臟實為陽毒所侵則內熱

治赤脉攢心腑臟温病陰陽毒心臟實則為陽毒所

傷內熱口乾舌破咽塞聲嘶色焦赤者

天門冬 去心 麥門冬 去心 車前子 炮 梔子仁

黃芩 升麻 寒水石 煨 甘草 炙各等分

右為剉散每服五錢水二盞煎七分去滓食前服

病者頭重頸直皮肉強痺或蘊而結核起於喉頸之側布熱毒於皮膚分肉之中上散入髮際下貫顛顛隱隱而熱不相斷離病名黃肉隨以四季各十八戊巳日其病從太陰陽明相格寒温不調關節格滯若腑虛則皮肉強痺若臟實則布毒熱於皮膚

治黃肉隨脾腑臟溫病陰陽毒胃腑虛則為陰邪所

傷頭重頸直皮肉強痺膜脹色黃黑者

厚朴姜制炒白木一兩半陳皮各一兩乾姜炮

紫蘇炙甘草炙半夏湯洗各三兩

右為剉散每服五錢水二盞煎七分去滓食前服

治黃肉隨脾腑臟溫病陰陽毒臟實為陽毒所傷蘊

熱結核起於喉頸之側布毒熱於皮膚分肉之中

散入髮際下貫顛顛蓄熱不散色黃者

葛根汙浸升麻白芷桔梗

青皮各一兩蒼木汙浸大黃半兩

右為剉散每服五錢水二盞煎七分去滓食前服

病者乍寒乍熱損肺傷氣暴嗽嘔逆或體熱發班喘

欬引氣名白氣狸以秋三月源從陽明係手太陰受

疫淫邪之氣若腑虛為陰邪所傷則乍寒乍熱臟實

為陽毒所傷則體熱發班

治白氣狸肺腑臟溫病陰陽毒大腸腑虛為陰邪所

傷寒熱互作上氣欬逆大腸殮泄色皓皓白者

白木各一兩人參各一兩乾姜炮麥蘖炮各三分白茯苓

五味子肉豆蔻草菓烏梅甘草炙各半兩

右為剉散每服五錢水盞半煎七分去滓食前服

治白氣狸肺腑臟溫病陰陽毒臟實為陽毒所傷體熱肌膚發斑氣喘引飲色昏白者

紫苑茸 一兩 梔子仁 升麻 前胡 各三分

石膏 煨半兩 葶藶 炒一分 杏仁 去皮 甘草 各灸半兩

右為剉散每服五錢水二盞煎七分去滓食前服病者裏熱外寒意欲守火而反引飲腰痛欲折或胃脇切痛類如刀刺不得轉動熱彭彭服冷多則洞瀉病名黑骨溫以冬三月源從足太陽少陰相搏蘊積壅塞若腑虛為陰毒所傷則裏熱外寒若臟實為陽毒所損則彭彭發熱

治黑骨溫腎腑臟溫病陰陽毒膀胱腑虛為陰邪所

傷裏熱外寒煩渴引飲喜火腰脇滿痛小便赤黃

面與脚俱黑

附子 炮去皮臍 茯苓 各一兩 山茱萸 細辛 各半

麻黃 三分 山藥 澤瀉 各半 杏仁 去皮尖 一分

右為剉散每服五錢水兩盞煎七分去滓食前服

治黑骨溫腎腑臟溫病陰陽毒腎臟實為陽毒所傷

腰脇切痛不得轉動大小便秘澀小腹脹食冷則

洞泄色薰黑

吳茱萸 黑牽牛 炒 桃仁 去皮尖 草薺

大黃

杜仲

去皮剉姜汁
制炒絲斷

右為剉散每服五錢水兩盞煎七分去滓食前服

料簡諸疫證治

凡春分以前秋分以後天氣合清寒忽有溫暖之氣
折之則民病溫疫春分以後秋分以前天氣合溫熱
忽有清寒之氣折之則民病寒疫治之各有法不可
拘以日數汗下此且據方論一體而分既有寒溫二
疫風溫亦宜備論如巳未年京師大疫注之死下之
死服五苓散遂愈此無它溫疫也以此為法每年遇
有不正之氣即當紀而用之假如冬合寒時有溫暖

之氣則春必患溫疫春合溫而有清涼之氣則夏必
患燥疫夏合熱而有寒氣折之秋必病寒疫秋合清
而反滯雨冬必病溫疫此亦一途而推之更須以時
斟酌不可偏執况疫之所興或溝渠不泄滴其穢惡
薰蒸而成者或地多死氣鬱發而成者或官吏在抑
怨讒而成者世謂獄溫傷溫墓溫廟溫杜溫山溫海
溫家溫竈溫歲溫禾溫地溫等不可不究古法辟之用
屠蘇酒務成子螢火圓李子建殺鬼煎老君神明散
皆辟法惟劉根別傳令於州治太歲六合處穿地深
三尺闊亦如之取淨沙三斛實之以醇酒三升沃其

上俾使君祀之此亦消除疫氣之良術所謂太歲六合者歲泄氣之所在故以厭禳屠蘇酒辟疫氣令人不染及辟温病傷寒

大黃 桔梗 川椒 白朮 桂心 各一兩

接莢 一兩 烏頭 炮去皮 二錢 尖六錢

右為剉散縫袋盛以十二月晦日日中懸沈井中令至泥正月朔日出藥置酒中煎數沸於東向戶中飲之先從少起多少自在一方有防風壹兩

太一流金散辟温氣

雄黃 兩 羶羊角 燒 雌黃 各二兩 礬石 枯 鬼羽箭 各兩

右為末以絳袋盛二兩帶心前并掛門戶上若逢大疫年以月且青布袋一力圭中庭燒之温病人亦薰之

敗毒散治傷寒温疫風濕頭痛目昏眩四肢疼痛增

寒壯熱項強眼睛痛尋常風眩拘急風痰並宜服

羌活 獨活 人參 甘草 柴胡

前胡 茯苓 枳殼 麩炒 川芎 桔梗 各等分

右為剉散每服四錢七水一盞姜三片薄荷五葉煎七分去滓熱服寒多則熱服熱多則温服傷濕

加白朮脚痛加天麻本方爲細末亦可點服初虞
世究其方知出道藏乃叙云自非異人傑出志與
神會則莫之敢爲良可歎服煙瘴之地或溫疫時
行或人多風多痰多氣或處早濕脚弱此藥不可
致也世人不師故常務作新奇蔽於俗學故備論
之此藥治脚氣下注焮熱赤腫加大黃葶子大煎
併進兩服立效

應夢入參散治傷寒躄熱頭疼及風壅痰嗽咯血

白芷

乾葛

青皮

桔梗炒

白朮

人參各三分

甘草

炙兩半

乾姜

炮一錢三字

右爲末每服二錢水一盞姜三片棗二枚煎七分
通口服如傷寒又豉數粒同煎熱服大有效不拘
時崇寧癸未米芾爲太常博士始造待漏冒寒得
疾痰嗽如膠有血更醫不退一日謁六尉蔡元
度取入參散一貼并棗見授繼歸有客承議郎薛
道至留食藥熟進一服良久痰嗽立止而客怪曰
公氣色頓快何藥也爲道其由求方蔡公又送一
貼越三日病全除往見蔡公公曰此藥僧伽也元
祐中泗州劉士彥病八日不汗女求僧伽甚確夜
夢告曰翌日塔中取藥遂於大聖鉢中取得此藥

題印云太平州楊家人參散今太醫局中亦賣無
甘草乾葛兼無分兩疑非真友

喝起散

蒼朮 泔浸 麻黃 去節 荆芥 各二兩 石膏 煨三兩 大黃 兩半

枯樓根 乾葛 芍藥 白芷 甘草 各一分

右為末每服二錢水盞半姜三片葱煎至七分食

前服

入温家令不相染者

雄黃

右研細水調以筆濃蘸塗鼻竅中與病人同床亦

不相染初洗面後及臨卧時點之凡疫家自生惡
氣聞之即入上元宮遂散百脉而成斯病且即以
紙撚探鼻嚏之為佳如以雄黃點鼻則自不聞并
辟諸惡夢神良

聖散子

方東坡叙云昔嘗觀千金方三建散於病無
所不治而孫思邈著論以謂此方用藥節度不近
人情至於救急其驗特異乃知神物效靈不拘常
制至理閑感知不能知今予所得聖散子殆此類
也自古論病唯傷寒至為危急表裏虛實日數證
候應汗應下之法差之毫釐輒至不救而用聖散

子者一切不問陰陽二感男女相易狀至危篤者連飲數劑則汗出氣通飲食漸進神宇完復更不用諸藥連服取差其餘輕者額微汗正爾無恙藥性小熱而陽毒發狂之類入口即覺清涼此殆不可以常理誥也時疫流行平且輒煮一金不問老少良賤各飲一大盞則時氣不入其門平居無病能空腹一服則飲食快羨百疾不生真濟世衛生之寶也其方不知所從來故巢君數世寶之以治此疾百不失一余既得之謫居黃州連歲大疫所全活者至不可數巢君所甚惜此方指江水為盟

約不傳入余切隘之乃以傳斷水龐君安常龐以醫聞於世又善著書故授之且使巢君之名與此方同不朽也用藥于后

草豆蔻筒木猪苓皮去 石菖蒲 茯苓 高良姜剉
 獨活 柴胡 吳茱萸 附子炮去皮臍 麻黃節去
 厚朴姜汁制炒 藁本 芍藥 枳殼炒 白朮
 蒼朮湯洗去滑 半夏湯洗去滑 澤瀉各半 藿香 防風
 細辛各半 甘草炙一兩

右為剉散每服五錢水盞半煎七分去滓熱服空腹此藥以治寒疫因東坡作序天下通行辛未年

永嘉瘟疫被害者不可勝數往往頃時寒疫流行其藥偶中抑未知方土有所偏宜未可考也東坡便謂與三建散同類一切不問似太不近人情夫寒疫亦能自發狂蓋陰能發躁陽能發厥物極則變理之常然不可不知今錄以備療寒疫用之且審之不可不究其寒溫二疫也辛巳年余嘗作指治至癸巳復作此書見石林避暑錄亦曰宣和間此藥盛行於京師大學生信之尤篤殺人無數醫頓廢之然不妨留以備寒疫無便偏廢也

凡例

夫疫雖以三事鐘成若天行多假六淫反錯鬱折而致之者既有寒溫兩疫風溫其可不辨但證似傷溫而脉色不同與夫一方相染長幼同病即當作疫治除辟法外治溫用五苓散加灸甘草治風用桂枝湯加黃芩無不愈者其如淫邪交絡互織當以類推之五苓散治傷寒溫熱病表裏未解頭痛發熱口燥咽乾煩渴引水水入即吐或小便不利及汗出表解煩渴不止者宜服之又治霍亂吐利○方見傷暑門加甘草一兩灸

桂枝黃芩湯治風疫脉浮數而不弱頭項疼腰脊痛

發熱惡風其證皆如太陽傷風但脉陰不弱相傳
染為異耳

桂枝去皮芍藥 黃芩各兩甘草各一兩

石劉散每服五錢水盞半姜三片棗一枚煎至七

分去滓食前服

沃雪湯治傷寒温疫濕疫熱疫

蒼朮 乾姜炮 甘草各六兩 防風 乾葛

厚朴制炒芍藥各四兩

右為劉散每服三錢半重水兩盞煎七分去滓服

瘧叙論

夫瘧備內外不內外三因外則感四氣內則動七情
飲食飢飽房室勞逸皆能致瘧經中所謂夏傷暑秋
瘧瘧者此則一時而序耳不可專隅以此論之則知
温病殄泄欬不可拘也夫瘧之始發先起於毫毛
伸欠乃作寒慄鼓領腰脊俱痛寒去則內外皆熱頭
痛而渴惟欲飲冷者以陰陽上下交爭虛實更作若
陽并於陰則陰實而陽虛陽明虛則寒慄鼓領太陽
虛則腰背頭頂俱痛少陽虛則身體解休心惕惕然
三陽俱虛則陰氣勝骨寒而痛陰并於陽則陽實而
陰虛太陽虛則不嗜食善嘔嘔已乃衰少陰虛則熱

多寒少嘔甚其病難已厥陰虛則腰腹痛小便不利
如癰三陰俱虛則陽氣勝熱盛悒悒不樂陰盛則內
寒陽虛則外寒寒生於內故中外皆寒陽盛則外熱
陰虛則內熱熱生於外故中外皆熱此皆因外感寒
暑風濕內鬱喜怒憂驚蘊積涎飲乃至飲食飢飽勞
逸之所爲也病氣與衛氣并居故病作衛氣晝行陽
夜行陰得陽而外出得陰而內薄所以日作其氣內
薄於五藏橫於募原其道遠其氣深其行遲不能
與衛氣俱出故間日作以衛氣一日一夜大會於風
府日下一節以此日作稍寔至二十五日至臑骨二

十六日入脊內其氣上行故作日益早也瘧氣所以
更盛更虛當氣之所在者在陽則熱躁在陰則寒靜
極則陰陽俱衰衛氣相離則病休衛氣集則復病也
於是有一日作間作早晏不同又邪氣中於頭頂者氣
至頭頂則作中於背者氣至背則作中於腰脊者至
腰脊即作各隨其所中而作但衛氣之所在與邪氣
相合則病作也更有疫鬼瘴等瘧亦以邪氣中衛
氣之所爲也除瘧瘴純熱温瘧先熱牝瘧無熱外諸
瘧皆先寒而後熱又經曰無刺焯焯之熱無刺渾渾
之脉無刺漉漉之汗爲其病逆未可治也知此則病

方來與正作與將過皆不可治以反傷真氣不可不知所因備列于後

瘧病外所因證治

病者先寒後熱寒則湯火不能溫熱則冰水不能寒以先傷寒後傷風故先寒而後熱名曰寒瘧病者先熱後寒躁煩自汗惡風以先傷風後傷寒風為陽寒為陰故先熱而後寒名曰溫瘧病者但熱不寒陰氣孤絕陽氣獨發少氣煩冤手足熱而欲嘔必渴以傷於暑熱名曰瘧瘧病者寒熱身重骨節煩疼脹滿澀澀自汗善嘔因汗

出復浴濕舍皮膚及冒雨濕名曰濕瘧

病者寒多不熱但慘戚振慄病以時作此以陽虛陰盛多感陰濕場不能制陰名曰牝瘧

五種瘧疾以外感風寒暑濕與衛氣相并而成治之各有方法

白虎加桂湯 治溫瘧先熱後寒惡風多汗

石膏 四兩 知母 一兩 甘草 炙半兩 桂心 一兩 粳米 一合

右剉散每服四錢水盞半煎七分去滓未發前進三服

木附湯 治冒雨濕著于肌膚與胃氣相并或腠開汗

出因浴得之

附子炮去皮臍 白朮各一兩 甘草炙 茯苓 桂心各半兩

右剉散每服四大錢水盞半姜五片棗二枚煎七分去滓食前服

麻黃白朮散 治傷寒風暑濕不留經絡與衛氣相并病以日作寒熱交煎

麻黃去節湯浸 白朮 茯苓 桂心各一兩 陳皮

青皮 枳梗 白芷 甘草 半夏麴

紫蘇 烏梅各三兩 乾姜半兩

右為剉散每服四錢車水兩盞姜三片棗二枚煎

七分去滓當發日空心一服臨發一服尤妙亦治時疫

太醫常山欽治諸瘧先寒後熱或先熱後寒或寒熱獨作或連日併發或間日一發頭疼惡心煩渴引飲氣息喘急口苦咽乾諸藥不效

川常山 知母 甘草炙 草果不去皮各二兩

烏梅一兩 良姜一兩半

右為剉散每服四錢水盞半棗五枚同煎七分去滓溫服未發前進三服

桂薑湯治壯瘧寒多微熱或但寒不熱

柴胡 八兩 桂心 一兩 黃芩 三兩 牡礪 煨 甘草 炙

乾姜 炮各 三兩 栝樓根 四兩

右為剉散每服四錢水二盞煎七分去滓空心服
日三服初服微煩汗出愈一法有半夏三兩

瘧病內所因證治

病者寒熱顏色蒼蒼然善太息如死狀以蓄怒傷肝
氣鬱所致名曰肝瘧

病者心煩欲飲清水反寒多不甚熱乍來乍去以喜
傷心氣耗散所致名曰心瘧

病者寒多腹中熱痛或渴不渴不熱不泄腸鳴汗出

以思傷脾氣鬱延結所致名曰脾瘧

病者心寒寒甚則發熱熱間善驚如有所見以憂傷

肺肺氣凝痰所致名曰肺瘧

病者手足寒洒然腰脊痛發熱大便難目眴以失志
傷脾

五種瘧疾以臟氣不和鬱結延飲所致治之各有

方

七棗湯治五臟氣虛陰陽相勝作為瘵瘧不問寒熱

先後與夫獨作疊間自悉主之

附子 一枚炮製以鹽水浸再炮如此
凡七次至第七次不浸去皮臍

右劉散水一盞姜七片棗七箇煎至八分蓋當發日空心溫服仍喫三五箇棗子忌如常良方用烏頭兼不用鹽水浸不時服之借燥亦不能分利陰陽去滓服

肆獸飲治五臟氣虛喜怒不節勞逸兼并致陰陽相勝結聚涎飲與衛氣相得發為瘡疾悉主之兼治瘡癰最效

半夏湯去滑 茯苓 人參 甘草 陳皮 甘草 烏梅肉 白朮 生姜 棗子各等分 右為劉散鹽少許淹食頃厚皮紙裏水淹入慢火

煨香熟焙乾每服秤半兩水一盞煎至七分去滓未發前併進三服

交解飲治脾胃氣弱陰陽勝復發為瘡癰

肉苳蔻半生半麵裏煨 草苳蔻如上法 甘草半生半炙 厚朴半生半炙製炒 右等分劉散每服四錢水兩盞煎七分去滓空心服

草菓飲治脾寒等瘡

草菓 川芎 白芷 紫蘇葉 良姜 甘草各等分 青皮去白炒 右為菓末每服二大錢水一盞煎七分去滓熱服

當發日連進三服

驅瘡飲子

前胡

柴胡 各四兩

桂心

桔梗

厚朴

姜製

半夏

湯洗去滑 各三兩

黃芪

乾姜

炮 甘草 各二兩

右剉散每服四太錢水盞半姜三片棗兩枚煎至七分去滓溫服

瘡病不內外因證治

病者發寒熱一歲之間長幼相若或染時行變成寒熱名曰疫瘡以歲運推之

病者寒熱日作夢寐不祥多生恐怖名曰鬼瘡宜用

禁避厭禳之法

病者乍寒乍熱乍有乍無南方多病此名曰瘴瘡當隨方土所宜治之

病者寒熱善飢而不能食食已支滿腹急病痛病以日作名曰胃瘡六腑無瘡唯胃有者蓋飲食飢飽所傷胃氣而成世謂之食瘡或因諸瘡飲食不節變為此證

病者經年不差差後復發遠行冬立下至微勞力皆不任名曰勞瘡亦有數年不差百藥不斷結成癥瘕在腹脇名曰老瘡亦曰母瘡

以上諸證各狀不同各有治方宜推而用之

麻黃白朮湯治一切疫癘○方見外所因門

紅效癘丹治鬼癘殊效

真阿魏半兩 桃枝各長一尺七莖 雄黃通明好者半兩別研

辰砂一錢別研留一半

右為末以車牛日五家粽角為丸如梧桐子大辰

砂所留一半為衣遇發時用淨器水摩一圓塗鼻

尖并人中末退以冷水服一九合時須用五月五

日

大正氣散治山嵐瘴氣發作寒熱遂成癘疾

附子炮去皮臍 厚朴姜汁製 桂心 甘草炙 乾姜炮

陳皮各一兩 茱萸半兩微炒

右為細末每服二大錢水盞半姜五片棗一枚同

煎至七分熱服不拘時兼治霍亂吐瀉一切氣疾

清脾湯治胃癘發作有時先覺伸欠乃作寒慄鼓振

頤頷中外皆寒腰背俱痛寒戰既已內外皆熱頭

疼如破渴欲飲冷或痰聚胃中煩滿欲嘔或先熱

後寒先寒後熱寒多熱少寒少熱多或寒熱相半

或但熱不寒但寒不熱或隔日一發一日一發或

三日五日一發者悉主之

厚朴四兩 製炒 烏梅打去仁 半夏湯去滑 青皮

良姜各二兩 草菓去皮 甘草炙半兩

右為劉散每服四錢水二盞姜三片棗一枚煎七

分去滓未發前併三服忌生冷油膩時菓此藥溫

脾化痰治胃膈否悶心腹脹滿噫醋吞酸自可常

服

常山飲治勞瘧虛人老人皆可服

常山 川山甲醋炙 木通 秦艽各一兩

辰砂半字 別研 甘草炙半兩

右為劉散作一劑水三盞烏梅棗子各七枚煎半

盞再入酒一盞煎至八分去滓入辰砂溫服

老瘡飲治久瘡結成癥瘕癰在腹脇諸藥不去者

蒼朮淋浸 草菓去皮 桔梗 青皮 陳皮

良姜各半 白芷 茯苓 半夏湯洗 桂心

枳殼麸炒 甘草炙 乾姜炮各三錢 紫蘇葉 川芎各二錢

右為劉散每服四大錢水三盞塩少許煎七分去滓

空心服日三夜二仍吞下後紅圓子

紅圓子治食瘡尤妙

蓬莪木 京三稜各二兩 醋煮一伏時 胡椒一兩 青皮三兩 炒香

阿魏一分 醋化

右爲末別研倉米末用阿魏醋煮米糊搜和丸如
梧子大炒土朱爲衣每服五十圓至百圓以老瘡
飲下古方雖有驚甲煎等不特服不見效抑亦藥
料難備

妙應丹治諸瘡無問寒温久近悉主之

黃丹三分 木香半兩 碾青皮 陳皮

吳茱萸各半兩 米醋二升 燂青皮以下

右以黃丹木香爲末入醋膏內搜和爲丸梧子大
辰砂爲衣每服十圓當未發前一食頃白湯下再
將前三件滓添木香半兩爲末別研入黃丹三分

和勻以醋糊爲圓如梧子大每服三五十圓治瘡
亦妙名曰捷丹

紅散子須當發日早晨服

黃丹炒 煆變

右入好建茶合和二錢七白湯調下或温酒調不
入茶

癩丹

雄黑豆四十九粒 重午日井水浸次日取去皮 找乾研爲膏 真砒一錢 研細入

右五月五日午時圓如菘豆大控乾辰砂爲衣容
器封之發日空心井水下一圓忌見雞犬若女

人病令男子開目送入口忌熟食二日孕婦不得
服於發日以縫帛繫一圓於右臂上小兒不能吞
隨男左女右繫之

又方

黃丹 不以多少


右五月五日用獨頭蒜煨熟研細搜圓如梧子大
每服五圓常發前一食頃桃柳枝煎湯調下

塞耳丹

青黛 桂心 砒 巴豆 硫黃 等分

右並不去皮殼不修治為末以五月五日五家灰

粽角為圓棗核大綿裹定當發日塞耳而男左女
右忌葷腥



三因極一病證方論卷之六

文化

